

Цена 1 р. 15 коп.

Тат. с
А22

Х. Авшалумов



Тысмет
Эн
Сосун

СУДЬБА СОСУНА

На татском языке

Махачкала
1952 г.

Тәт А22

Х.Авшалумов

ГЪИСМЕТ ЭН СОСУН

Повесть



1262 ~~101703~~ 4130

Д.С.С.И.Н.О.П.
Академия
Научно-Библиотечная

ДАГЕСТАНСКОЕ КНИЖНОЕ ИЗДАТЕЛЬСТВО
МАХАЧКАЛА • 1957

Э глует эн игидгой жофой социалисти, Давыдова Гюльбогьор, Абрамов Исай, хьэсул: оморетгьо э косибе, чукле дигь Муышгуйр нувьусдем ме и книгаре.

Автор

I СЕРНЕ

Э ДИГЬ ЭДЕЕ „ГУДИЛ“ ГЕШДЕ

Лап гуьзеле мегь весал — апрель бу. Чор*киной эн дигь Муышгуйр э богьгьо, вишегьо, кулелугьгоревоз ведебура бу. Емуышдоргой эн богьги нен вишеи раче гларуьс э ранги-берангие тозе парталгой эврүүшими ве дараи геймиш бирере хуно, верансдебируьт э гуьлгой ве салиревоз. Темизе эвир пур бу эз хушбуй эн рихьондубе емуышдоргой, велггьо ве буле говре савзегьо эз гьер тараф эдембируьт оmore шоре сесгьгой эн гьушгьо, буьлбуьлгьо.

И ченд рузгьо чүшме эз себэх те шохонгум эдембу гьеминоне хуно герми рухунде э хори. Эз зимисду верасде эйло е рузлеш воруш не оmoreбу. Оммо имбуруз чүшме эз себэхэвезо ве ди небу. Гьово дегуьрдебу. Эз руй асму огьурлубе вомунде кервугьгоре хуно дир-дир эдембируьт дүь э песой еки гирошде охмурлубе булутгьо.

Э дигь лап кем одоми демундебу. Мердгьо, зенгьо, те дегь-дуйваздегь сале глэиллегьош гьеме э чул, э кор бируьт: кимигь э зимигь э ологь сохде, угьониге эри э бусду тум кошде, екигьойге эри хир глов дешенде.

Э пушой эн дигь, э ён э сие телуь кешире гьендэгьгой эн богьги. э сер эн порине хэрмонгьо эдембируьт диндина вешенде, мэгл зере-зере, эз шир не эз тозе савзей весали сорхош бире тозе зенде гуселелегьо, Эгьэд эн эз гьэриш дигь гирошде лихьэе эрх глов э вечегьошуревоз эдембируьт гешде гьозгьо ве бидбидгьо.

Э мейдуй дигь, э сер дуразе соку, луьнгьгоре лов сохде, кемере э дивор ведоре, дубразе гьэйле э лэггь

Повесть эн татский писатель Хь. Авшалумов «Гьисмет эн Со-сун» гьисди суьфдеи келе произведенней эн проза э зугьун тати эи песини салгьо.

Э и повесть у нувьусди хуб, очугь зуьндегуни эн татгьоре те революция: косибе не юхсули, ихдиерсуэзи эн жофокеше одомире. гуж ве зулум, комики э угьо гировундембуьруьт глосиргьо. хьокимгьгой эн падшоги.

Э книга бурмунде оморени, чүштам косибгьо оmore-оmore вз-хуьшденутге э гьэршуй бедхьисобигьо, женг-гьовхо берде эри азади, мозол не хилосишу.

Э повесть гьемчун бурмунде оморени дусди эн хэлгьгьош, глэдотгьо, шоригьо, юхсулигьой эн татгьо э у взхидгьо. Хундегор эн книге мидануь эз и книге амбаре гьозие-гьэдергьо эз товней эн зуьндегуни, глэдотгьо ве ниетгьой эн хэлгь татире э пушой революция.

Гьейсегьэт автор эдее нувьусде дүьимуьн бэхш эни книгаре.

дери, нушдебу е денушдее огъиле мерд. У бу ковхо ве
Глошир эн дигъ Гъомуил. Э тен эн у вебу ковре гъобой
атлас, э сер ю килэхъ бухоре, э кемер ю кишди эврушубь-
ми, э пойгъой ю ранге журубгъой ахтии, дарбигъой мэхъ-
хъси. Уре вебу е фирегъе, нимелит сипи бире рушгъо. Эз
зир эн хэсде гъошгъо чукле чумгъой эн у дениширембу
тиж, э уьткеми ве гъэгъевоз.

Э эн эн у нушдебуе лэгъэре пире мерд, сейреке руш-
гъо, Шелбет. Гъеме партал э тен эн у вебугъо бу эз е
куьгъне зиршейни ве зиршоволи эн жомои, э сер ю жун-
дуре килэхъ, э пойгъою—жуьрт бире тирохгъо. Э и парта-
левоз у э корихъ мирафд, э нуьмазиш, э гъэруьсиш, э хъ-
ловиш михиси.

Гъомуил гъэйлере эз лэгъэ ведешенде, денишире э ге-
мегъой булут, мугу:

— Имисал чувиге ворущ нисе омере. Хоригъо глов
нэхурде мундге мэхъсуьлгъо пучи.

Келе мерд, Шелбет, комиречи эз е дес куьгъне шеи ш-
вол зиедте э тен ю вебугъо гъичиш небу э руй эн и хорн:
не муьлк, не мэхъсуьл, не хуне, не зен, не гъэлл,
не мол-вече, эз е тур жэгъи гъэйр, денишире эз зир чум-
гъо э сифет эн ковхо э дуьл хуьше мугу: «эз хотур туь
мибисдоге, худо миёсде е кор сохде, е доне ворущ эз гъо-
во ниседе рихде. Миёсде пуч бире—сухде мэхъсуьлгъо-
хиргъо ве зимигъой туь». Песде лэгъэре вокурде гуфди:

— Туь эдее дирекн гъеворе, миёв ворущ, фикир ме-
кеш, егъин миёв.

Гъомуил ловгъорё гъуьжунде э шефде хэнде вешенд.
У э дуьл хуьше вешмерде Шелбете мугу эри хуьше:
«Эри туь чуьи, туьре гъисдигъо е гъырогъи е бижогъ.
Негъогъ туьре нум не нори «Бейгъуш Шелбет». Туь бел-
киш шори зимигъо-мэхъсуьлгъоьме пуч бу эз ворущ нео-
морен. Понира эз Глошир гъемише гъэгър миёв. Хуней
ю сухдогор—хуне сухде мою». Песде Гъомуил гъэрей эн
и фикиргъой хуьшдере бурра, гъич э дуьл локо недерие
одомире нуно гуфди:

— Могу гъечу, жон Шелбет. Пориш рузгъо э и взхди-
гъо гъечи дегуьрде бу. Булутгъо оморут гиросдуьт сейл
зерере хуно, оммо е доне ворущлеш не омо. Эгедде, ими-
сал е «гудлиш» э дигъ нисе бире.

Е гилейге эз сер куче, эз гъырогъ дигъ сесгъо лов бис-
дорут:

— Э-э-эй! «гудил» эдее омере, «гудил» эдее омере!



Гвич Глов-Глэйл э дигь веди небугьо эз жейге кура бисдорут, э хуне демундебируйтгьо Глэрьюс-духдери, бордоре зенгьо, келе зенгьо э тасгьо, совучегьой Глововоз ведироморут э куче э пушорэхьи эн «гудил». Эз и сесгьой Глов-Глэйл, зенгьо-духдери, сесгьо видовусде ведироморут э буру, э мэхьтели домунде чуй сохутге: хьов-хьов сохутге, небуге дарафте э куьнж хьэтгьошу пэхьни боштутге? Керггьош э вечегьошуревоз эзи сесе-сесгьо, видов-видов эн хэлгь зури-зури э зир бешгьой эн хьэт вирихде дерафдуьт.

Е дегь-сиздегь сале жундуре лэгьэре Глэйл гуьрде эз е шох эн «гудил» эдембу хьэрой сохде. У е гофе гуфдире мунде, поьбирэхьнее жундуре Глэйллегьой дигьы, ведабуарируйтгьо иловлей эн кукле нен «гудиле» хьэрой мегуьрдуьт, мугуфдируьт: «Гьо! Гьо!»

Эз шох эн «гудил» гуьрдебугьо жундуре кукле келе-келе мугуфди:

— «Гудил», «Гудил», дурсене!

Деслей Глэйлгьо гье у сэглэт эз песой эн у жевгь дешенде, те э бугьоз ишу гуж дериго мугуфдируьт, э кевефов:

— Гьо! Гьо!

— Гудилуьн пои версене! — мугуфди гене кукле.

— Гьо! Гьо! — хьэрой мидшендуьт Глэйллегьой дигь.

— Дур хотунун гьэргьуши!

— Гьо! Гьо!

— Аллагь версуьн, егьуши!

— Гьо! Гьо!

«Гудил» иловлей жендек ю эз буз пой те эз гьугь сер звер э тозе шохгьо-лигегьой доревоз бесде бу. Эз Глэйрей эн хуьрде велгьуе лигегьо-шохгьо у веди небу. У э ён эн гьер хуне куьнд бире мунде, кукле, гене келе-келе мугуфди:

— «Гудил» — «Гудил» дур сене!

— Гьо! Гьо!

— Гудилуьн пои версене!

— Гьо! Гьо!

— Аллагь версуьн егьуши!..

Духдериго, Глэрьюсгьо, зенгьо э хэндеревоз медирувудуьт эз тасгьо, севучегьо хинике Глов билогьэ тигьы мисохдуьт э сер эн «гудил».

Э герден эн жундуре кукле е дуразе чейтен туморей дебугь. Глэрьюс-духдери э чейтен эн у хое, Глорд, гендуьм декуьрдембируьт, э сер «гудил» Глов тигьы сохде бэгьдо.

Гьомуил диремунде «гудиле», вэхуьшд эз жигей хуьшде, эз дес эн е жогьиле зен восдо пура тас эн Глове, декуьрд э сер эн «гудил», ворущ до — гуфдире. Бейгьуш Шелбет пусире посой зиршоволи хуьшдере туьртуьр сохде, те «гудил» оморэ э ки ю расире, вэхуьшд рафд эейнге.

«Гудил» э гьирогь дигь расиренге эдембу, э асму гром зере, биренгине жесде. Неме булутгьо вечиребугьо асму бирден эз нокумире хуно е сэхде сайлов рухунд, сес гром, товущ биренгине, шэхдей эн сайлов, «дурфуй» Нуьвэхьэ» хуно гьэриш бире э еки, пиш сохд декуьрд э гьопуьго-хунегьошу э томошей эн «гудил» ведироморэ зен-зоре, Глов-Глэйле.

«Гудил» не кукле тэхьно мунденки, э гьирогь дигь э ён хунешу оморэ расиренки, эз Глэйрей бесде шохгьо-лигегьо гуфди эз кукле:

— Сосун, веке, хэлеф ме, лигегьоре, гьейсэглэт мофдонум, э занигьойме гьувот недери!..

Кукле туморей сологьоире хуб э душ вешенде, теретгиди лов сохд лигегьой беше, шенд э хори.

— Туьре, кеф нисди, бебе? — пуьрси Сосун.

— Э-эри, — жугьоб до «гудил». — Веке, зубош, эде мугьденуьм.

Бешгьо э хори офдоренге веди бисдо е дуразе одоми, лэгьэре, ранг рафде сифет, синей ю дарафде. Э пой эн у вебу шовол жомои, э тен ю пара-параа шеи, эз сер-сифет ведибуки, у и пушегьо эз хьэллов нечогьы вэхуьшде одомире хуно бу. Дендугьой эн у эз хиники э сер-сереки нисе расиренбу. У пиёне одомире хуно лой хурде-хурде, десе э сер душ Глэйл воноре, бебе не писер рафдуьт э хунешу, гьердуьшуь сер дулуу.

II СЕРНЕ

ДУСДГЬО

Гьетте, у руз Шебетей «гудил» бире бэгьдо э хуне вогшденки эз кук хуьшде гуфди:

— Жигеймере деше, хэлефме, э жендек ме лез дери!

Сосун полхоло дугьгэди сохде дешенд э бирэхьнее хори, э сер ю дегуьрд жундуре лухьуьфе, дегердунд бебешуре. Э кул бебешу дегуьрд куьгьне пусдиреш.

Хуней Шебетей, хуней эн де косибгьойгей эн дигье хуно эн гилови бу. Э жигей пенжере э бун хуне е келе тирак дебу. Унегугьре чум рузиш э хуне нимелит торик бу. Рафгьо, диворгьой гилови эн хуне тие нимазе хуно типтигьи бу. Э кунжлей хуне а ён хинике кинле пенжеш сала духделей Шебетей гисне — вежэгъуьсде вечерелере хуно гъуьжле дироморе нуьшдебу. Сие тов зере чьукле пойлегьой хуьшдере э зир пара-парае булшилей чйти пэхьни сохде. Сие, ченд мегьгьо шушде не оmore муйгьой сер энэ э туз ве чьулкевоз еки бу. Духделе эз дур э терс не сегьмевоз дениширембу э бебешу дегешдигьо жиге, е гофлеш эз лэггэ неведировунде.

Сосун диренге, ки хьол бебешу лап гурунди, ггэил э сере вирки домунде, ведарафдени эз хуне. Бэгъдовой э ченд минутиге у вогодишэ э е сара мердевоз. Уре вебу чьукле ковре чумлегьо, зерде рушгьо. У бу долларк эн дигь Шемэггилё. Дуланиши энэ э долларки сохде, ху ве хьэжемет вегурде бу.

— Гьовой туь чьутами, Шебетей? — мугу у эз нечогъ, э ён бонилей ю нуьшде.

— Зобуни, — мугу Шебетей, сере жумунде, гьолок-гьолок гоф сохде.

— Нешдер зенуьм э ггул туь, ху вегируьм, е-дуй оринеш никешуь, хуб мубоши мэхизи. Гьегъ мере, соггьогьо гердо, хуб биренге, сер хэрмонгьо миди.

— Туь хубте мидани, — мугу Шебетей, — эге эз э кор хуб мибощумге, веги.

Доллок э кумеки Сосуневоз вэхуьзуьнд нуьшунд Шебетее э сер хьэлов. Э песой кемер эн у ламбалуше доноре, водо уре э дивор. Песде долларк ггул энуре вокошире, е ггэдер э десевоз совусде, офде юре герек гьисдигьо «шогъ раге», вогвунд э у тиге кутэхэ нешдер хуьшдере. Эз э нешдеревоз вокурде раг чиртиг зере ху вшенд зверо.

— Зубош, зубош, логоне ди инжо, — мугу долларк эз Сосун!

Ху веромо те нимей эн логон. Нечогъ сер гуьрд лап битоби эри сохде.

— Дениш, дениш, — мугу долларк шори сохдере хуно, пусире сейреке дендугьой хуьшдере бурмунде, — ху сип сиегьи. Эз туь муьрдале ху ведарафде мунде ггэзар туьш медаров... Песде дуьл нечогъэ берджи, долларк бурра

жигей раге бесд э чьулкие лугуревоз, карасдигьой хуьшдере вегурде ведарафд гьишд рафд.

Хьол нечогъ эз сеггэт-те сеггэт эдембу гурун бире, иллогьки эз долларк эри энэ «чоре» сохде багъдо.

Э дувимуьн руз Шебетей нечогъ биренге дер хунере вокурде диромо е бигьале руш чире мерд, килэхь гусбенди э сер ю вери, е хэнжел э кишд ю. У бу лезги Хьэсен, куьнде дусд эн Шебетей. Дере вокурде мунде у зури-зури куьнд бисдо, нуьшд э болиней эн Шебетей. Ранг тов зере, лап лэггэр бире сифет эн Шебетее диренге, песде денишире э дуй дедесуьзе ггэил энэ, гуфди:

— И чуй хьоли, Шебетей, бирор? — мугу у гирисденире хуно. — Туь у пушогьо эз хьэлов нечогъи вэхуьшде одоми, мурай «гудил» мибоши, хуьшдере э и хьол миёри. Э и ггэилгьош туьре езугъ ниев?

Нум ггэилгьоре гуьрденге нечогъ э гуруне дуьлевоз чарусд дениши э сифет э куьнжле гъуьж дироморе нуьшдубгьо духделе, песде э Сосун. Э ёр энэ оми песини чор мегъ э хьэлов нечогъ бире домунден эн ю. Уре дие э кенду ггорд недомундебу. Ггэилгьо лап гисне буьруьт. Чуйк-чуйки эн гисней эн чьукле духделей хуьшдере диренге нечогъ эри хуьшде жиге нисе офдембу. И пери у огол зе Сосун кук хуьшдере, мугу:

— Бие, хэлефме, вэхизим бурайм э више, гьовош имбууз ледуьрди, пушой воруш оmoreре хунои, бурим шохлуьге, бесдуьм э иловлейме, гердуьм э дигь, «гудил» бошум, екем ггорд хое кура сохим. Эз дарафде э дигь луггэ-пара вечиреижон, гьечи хубтеи. И э жофой туьревоз ггэзениш сохдере хуно бире.

Лезги Хьэсен верасирере хуно чуй хэёл сохдембуге дуьл эн Шебетей дусд ю, мугу э дуьл сеггэир хурдеиревоз.

— Ой Шебетей, ме э дерей жегьендем небируьмки, э дигь дебируьм, се-чор верс рэхьи. Туь беге э сер ме е хэберле фуьрсоре нисе дануьсдембири, туь э и хьоли гуфдире?

Шебетей дениши э чум дусдидревоз э сифет эн лезги Хьэсен, э лугьонд дарафде кар бире сес хуьшдеревоз мугу тасире-тасире:

— Амбар согъ боши, бирор, худо рази гердо эз туь, гьечиш оmoreй мере эри дирэ. Туьш эз ме бешбетер ко-

сиби, туьреш не хорини, не моли, не мэхьсуьли чуйре хэ-
бер фуьрсуьм э сер туь?

— Ме косиб гьисдуьмгеш, серме, шуькуьр э худо, со-
гьи, туь э ме сохде никигьоре ме те муьрдеш фурмуш ни-
сохум. Иму коенбго эз куьф косиб гьисдимгеш эз дуьл
гюширим, — зарифатире хуно гуьфди лезги Хьэсен, дуьл
дусд хуьшдере эри веровунде.

Песеде у огол зе Сосуне, евошлей, Шебетей нешинову
гуьфдире гуьфди э гуш энү:

Е гусбенд овордем, бесдем э хьэет, бура, огол зе
муллашмуре, бигил куьшуь гусбенде. Э сирой хуне е
туморе гюрдиш норем. Герме чи гушдине сох ди не-
чогьэ. Бура, имугьой, хэлефме!

Сифет Сосун е пертовуш э шоре хэнде верафд. У эри
хуьшде думит сохд, бешу э герме чи гушдине хурде
егьин хуб мибу, э пой мэхизуь, пушотенигьой хуьшдере
хуно эз гьеме жонлуь, гьувотлуь мибу. Меш не Истриш
гушд гусбенди михуьм.

Эз и гофгьо дуьл энү шор бире видовусд рабире эри
огол зере.

Е гьэдер нуьшде, эзило-овло гоф сохде, нечогьэ мух-
шул сохде, дуьл юре вероюнде бэгьдо, лезги Хьэсен гуьф-
ди эз Шебетей:

— Ме э чор-пенж рузи есиёв эн Огьомирзоре, куьгь-
не шинох менетуьнире вегуьрдем эри чарпарагьоюре
гьуьч сохде. Коре верасде мунде миём э китуь.

Нечогь экем э хуьшде домунде, вэхуьшд э гужевоз
нуьшд э сер хьэлов, песеде гуьфди:

— Хьэсен бирор, куьнд бие, дестуьре гуьруьм!

— Хьэсен э сугьрезани нуьшде до дес хуьшдере э
Шебетей.

— Иму э еки бирор бирейм, ме жуьгур, туь мисурмуш
гьисдиге, — мугу Шебетей э гюэрс гуьрде тасире гьуьго-
зевоз — иму белки дие дуь екире невинирим. Туьре эз
ме е дуьл мундеи бириге, бэхшлемиш сох э ме, бирор!

Лезги Хьэсен дануьсд и хьэлолборе эричуь хосдеге
эз ю дусд ю. Дуьл эн уш буланмиш бире, эз чумгьой эн
у гюэрс рихд.

— Мегу, дусд, гьечу, дуьл ди хуьшдере, шуькуьр э
худо, хуб мибоши мэхизи. Пегьливнон, Гьэре-Мухтер иро-
ни, э ер туь мунди? Омоге десиге э и хоригьо, худо гьишд-
ге, туь уре и дес егьин менгени, кемер юре э хори мизе-
ни — мугу лезги Хьэсен э гужевоз лове э хэнде веберде.

э ёр оворде, жонлуье, уьткеме вэгюдогьой эн дусд хуьш-
де Шебетее.

— Нэгю, дусд, ме эдее диренуьм, дие и дес ме эз хьэ-
лов нивэхизуьм, хьол ме гурунди, эз ме фойде нисди. Эз
ху веугурде эйло, гьовойме деш усол бисдо.

Лезги Хьэсен эз дес ю вероморере хуно дуьл доре
дусд хуьшдере, гьэл гуьрде уре, чум гюэрс ведрвафд
эз хуне.

Хьэсен ведерафденге, Шебетей гьувотсуьз бире, чум-
гьой хуьшдере сэхд сохд. Бирден э ёр энү омо: руз шо-
боти, э мейду э пушой хэрмонгьо жэгмет кура бири. Э
минжи мейду поисди е сие гюногьиме бирэхьнее одоми,
юре е озгьуне будгьо-базугьо вери. У дуь путегьо гуьр-
венкегьоре туплегьой гюэлире хуно э гьово вешендени,
гуьрдени...

...Эз и пенж сал пушо, э 1905 сал э дигь омореву е сие
мерд Ирони пегьливнон Гьэра Мухтер гуьфдиренигьо. У
дигь бе дигь геши, гьувот, усдоети пэгьливнон хуьшдере
бурмунде эз жэгмет пул мечи. Омореву у э дигь Муьш-
гуьриш. Гьэра Мухтер э гьэд мейду тен бирэхьне, э е
куэтхэь шоволовоз бу гуьфдире, зен-зоруй дигь э мейду
неомореву, эз дур э томоше поисдебу. Оммо томом мерд
хэйлогьи, эз сипре рушго гуьрде те гюэллегьо расире,
чор киномурд мейдуре ведабура нуьшдебируьт э томо-
ше. Э гюэрей эн томоше сохдегоргьо дебируьт Шебетей не
гьуногь ю — дусд ю лезги Хьэсениш.

Гуьрвенкегьой дуь путере вешенде-фушенде бэгьдо,
Гьэре Мухтер э уьткеми ве руьхшендиревоз деншире э
мейду кура бире хэлгь гуьфди, келе сие чумгьой хуьшдере
буьхь сохде:

— Эй жуьгургьо, кире хьэвесиге ведировгу э меревоз
эри борж берде э мейду, дуь екире э хори эри зере!

Э гюэрей эн мердгьой эн дигь, иллогьки эн жем-жо-
гьил, гьувотлуье одомогьо амбар дебируьт. Оммо дени-
шире э хиегьо ве безугьой эн Гьэре Мухтар ве чуьтам
дуь путегьоре сиб-гюэрумгьоре хуно э гьовои вешенде,
песеде гуьрдембуге, екиш жуьргюэт несохд эри ведиромо-
ре э мейду, бэхьс берде, киши гуьрде э уревоз.

— Дусд, — мугу лезги Хьэсен, десе зере э кемер эн
Шебетей. — Вэхиз ебо бурмун э и келегеде хьэьсуьзе
ирони э туь чуь гьинор дериге. И думбуре аслан э туьл-
килегьо дениширенигьоре хуно денешире э хэлгь. Е эз
дес туь вороморе гьэдер сэгюэри ди уре. Эз туь зурботе
одоми э и дигь кес недери!

— Ме эдее вепичиренуым э туьревоз — бирден эз жигей хуышде вехуышде гуфди Шебетей. — Пой е дэгъдэгъэ дарам диром э хуне.

— Хьозурум, — бигъэ бурмуш сохде, дуй десе э бирехъне бел веноре э келегеди не суыпле хэндервоз гуфди пегъливор.

Е ченд минут гиросше бэгъдо, э мейду диromo Шебетей. Эз буй бала не эз фирегъи хиегъо у эз Гъэре Мухтер нидомунд. Шебетейш бирехъне биребу. Э холисе пегъливор э гъэд мейду ухшеш зенуь гуфдире, у зиршоволи хуышдере эз сугъразани звер теретэгъди, гьерчуьтам бисдо бурра, кутэхъ сохдебу. Жендек энэ эз чуыге эдембу тов доре.

Гъэре Мухтер не Шебетей сер гуьрдуьт эри вепичире. Дуй эз шидрей кемер еки гуьрде, угъо хъэрекет сохдембируйт екире эри э хори зере. Оммо эз еки борж берде нисе дануьсдембируйт.

Бирден, эрэгъ шишире бугъо, шуш нефес гуьрдебугъо Гъэре Мухтер, э гужевоз жейле бире эз Шебетей, гуфди э жэгмет, шуькее сохде:

— Ой хэлоигъ, жендек хуышдере руьгъэн гови зери ведироморе э мейду. Ире э дес гуьрде нис бире...

Оммо э гъизгъин женг офдоревубгъо Шебетей, ирони ре нефес кешире нисе гъишдембу. У э нэхуьгъой хуышдереvoz гуьрдембугъо эз гъул-базуй пегъливор гъэрмэгъ-гъэрмэгъ сохдембу уре.

Эхир гъечи бисдоки, эз бошден уьткем, хэнделов бугъо пегъливор, гъемей ю гъэрмэгъ-гъэрмэгъ, хунерижа, гъемей ю Гов-эрэгъэлуь, эз номус, эз тэхъли гъэгър дуьл хуышде, гириденире хуно бисдо.

Жэгмет диренге гъовой пегъливоне, гьерки келе-келе гуфдируьт:

— Еше, Шебетей, машаллагъ, Шебетей!

Дусд эн у, имбуруз пушой эз дер ведерафде, дуьл доре Шебетее, у коре овурд э ёр энэ. Шебетей гъейсэгъИэтин хьол хуышдере э умогъонеревоз той сохденге, деш гурун бисдо гъовой эн нечогъ.

Песе э ёр энэ омо чуьтам эз и чор сал пушо зен ю муьрденге, гуфдиге э Шебетей.

— Жон, Шебетей, меш, туьш етимгъо расд омореим э еки. Не туьреш э руй эн и гъуьлом кес нисди, не мереш. Худо-бендей ме и дуь гъили. Еки энугъо нумлей бебей-

муни, екигейге нумлей дедеймуни. Жун туь жун эн у гъэилгъею, небу э сер эн угъо дедей мердуми биьригъо!

У гоф зен хуышдере пой незере эз у муьрде эйло зен нехосдебу. У эри гъэилгъой хуышде гъеми э жигей эн бебеш бу, гъеми э жигей эн дедеш, те и се мегъ э кун хъэлов офдоре.

— Имогъойле ме эз ки гуьом: жунтуь жун эни гъэилгъо бугу гуфдире, — э дуьлдэгъдэгъиревоз думит сохде нолэ кеши нечогъ.

III СЕРНЕ

ЕТИМ

Э гъэд дуй-се руз, хьол Шебетей гъечи гурунд бисдо, ки, у амбар-амбарыш э хуышде нисе дебирембу, вор хундембу. Сифет эн у лап хьоколуь, сие тов зеребу, хинике эрэгъ шиширембу уре. Оморе одомиреш э ю эри сер кешире у дне нисе шинохдембу. Вор хунде, гъэтмэгъэрише гофгъо гуфдирембу. Гъэилгъеюш, Сосун не Истир, тэхъно дэмунде э ки эн ижире нечогъ э нимелить торике хуне, кимвэгъдо митерсируьт.

Сосун э руз ю ченд бо бишбогъ чи э гушдереvoz э дес дери, э сугъразани мипоисд э ен бонилей бебешу, э гъэревоз минет мисохд:

— Э бе, жон бебе, ху и чилере, гъэдой туьре вегиром, и чилей гушдинере хурде мунде туь хуб мибоши мэхизи-ей!

Гъэил эз расдиш гъечуь дануьсденбу, бебешу и герме чои гушдире хурде мунде э жу мдиоров, песде гъечи евош-евош хуб мибу мэхизуь. Чуьнки Сосуне эз хуышде оморембу. У хэсде-гисне биренки, гъетте чи хурде хуб те суьрой дуьлшор бире видовусдембу э кучегъо эри вози сохде э гъэилгъоревоз.

Оммо сэхде минетгъой энэ э нечогъ гъонмиш нисе бирембу, у чуьиге гогъ келе-келе, гогъ тасире-тасире эзир зугъо мугуфди чешмише хуно, э гофгъо, минетгъо ве гъэрсгъой эн кук хуышде неденшире. Э гъечиревоз Сосун, чум гъэрс, имид ю хуьрд бире, э пура бишбогъэвоз мо-гошд эз кин эн у.

Чуькле духделэ эз хъэлов бебешу куьнд нисе бирембугеш, у э тижэ чумлегъой хуышдереvoz дениширембу э гъовой бебешу не коргъой бирор хуышде.

— Гене чи нехурд? — ох вокошире эз чуйкле синелей хуышде, пувси духделе, гердере ён гуурде, пойлегьой хуышдере гъуьжунде, диренге ки, бирор ю гъегене вогошди э пура бишбогъвов, чум гIэрси.

Бирден Сосун эз тэхъли и ченд шевгъо нэхисирей, дуьле-дердии, иллоьгки бебешу чи нэхурдеи, венгесде эз дес бишбогъв, нуьшд э хори, зар доно горисд.

— Ние хурде-е, чи ние хурде бе-бе, — гIэрсгьой чумгьой хуышдере э муышдевоз покурде, келе-келе гирирд у. — Чи нехурдге у мимуурь, чуй хуби эриму, педде!..

Духделе мидениши мивини, эгенер бирор ю гъечи гириденнге, егъин коргъо гурунди, уш терсире-вежгъуьсе, сер гуьрд эри гиризде: «ой бебелей-ме, ой делелей-ме!» гуфдире.

Гъе и туьтем дере вокурде диromo лезги Хъэсен, шуш нефес гуурде, ранг рафде.

— Чуй, чуй, эричуй гириденнит? — мугу у эз э раче-берачей еки нуьшде гиридембуурьутгъо гIэилгъо, э дуьлпосоиревоз денишире э лой хъэлов эн нечогъ.

— Чи ние хур-де! — гиризде-гиризде гуфди Сосун.

— Погъ, ишму мере лап терсундитки, — мугу Хъэсен, куьнд бире э ки Шебетей. — Вессит мегирисит, — мугу у эз гIэилгъо.

Хъэсен оморевубо вэгIдо нечогъ пусдире эз кул шенде гъолок дегешдебу. Эз гIэрей рэхъо ехэн ве пара-парае сулагъой эн шеи эн у ведибу, чуйтам и е вэхд аслане жендек эн Шебетей э е пусд не э е остгъу чаруьсдиге. Шебетей гъич э лой Хъэсениш недениши. Ведибуки у гене э хуышде недебу.

— Шебетей, бирор, — мугу Хъэсен, гъуз бире э сер болней эн у. — Ме не гуфдируьм иму э еки мохурим?..

Гофгъой Хъэсен, веди буки, ние расирембу э у. Хъэсен э хуышде домунде пувси дуь гиле:

— Шебетей, дусд ме, мере шинохдени?

Нечогъ гъебо э тов рафде, чешмише чумгъой хуышде-ревоз дениши э сифет эн Хъэсен, сере жумунд.

— Кинуьм ме?

— Би-Бике зе-зен ме, — пелтеке зугъу ве тасире сесевоз гуфди Шебетей — Туь-туь мере эй бер-берде оморей. Ке-кеш эдей омо-моренуьм.

Бирден нечогъ э е нокумие жуьргIэтиревоз вэхуышд нуьшд э сер хъэлов, десе но э хори вэхизуь гуфдире э пой. Хъэсен э гуж-минетевоз дегердунд уре э хъэлов.

Эз оморегор-рафдегор эри сер кешире э нечогъ, эз одомигъой дигъ хуше хэвлет небу. Сер шев бисдоки гъовой нечогъ эз пушотейнеш гурунд бисдо. Пушой муьрде бирден э пушой чумгъой Шебетей омо, чуйтам ю эри е кем гIорд хуышдере «гудил» сохде гешденнге э дигъ. Чуй кориге зенгъо, гIэруьсгъо, духдергъо э жигей гIов эдее э сер эн у тасгъо ве совучегъой нефте декуьрде. Эз гъовош эдее э жигей ворущ нефт тигъи бире э сер эн у. Асму э е гъэгъревоз эдее биренгъине зере ёгъин гIэтош расуь сухуну гуфдире «гудиле». И чуй кори? Одомигъош, асмуш э ме хъэлово бири?

— Эй хэлгъ-хэлоигъ, гIэруьс-духдер — эдее хъэрой сохде Шебетей, — ме «гудил» бирем эришму ворущ биве гуфдире, ишму эдее э сер ме нефт декуьрденит. Ме бегем Керемуьм?..

Е келе тас нефте э сер энучо кохво Гъоумил декуьрдемунде, бирден е сэхде биренгъине раси э луьгъо-шохгъой эн «гудил». Э нефтевоз тар бире шохгъо дегеси луьп зе шэгIмелере хуно.

Э гуш эн нуьшдегоргъо дерафд песини гофгъой эн нечогъ.

— Сухдум, вессит, сухдум!

— Э ки эн у гъейсэгIэт гIэзроил омори, — мугу раби Нэхьум эри э ночогъ сер кешире омор мердгъо, зенгъо. Нечогъэ жун хуышдере доре нисе воисде. Уне гуьре гIэзроил эдее зере уре э гъирмож гIэтоширевоз.

...Себэхьимуьн Шебетее бердубт э сер гъоврегъо. Уре депучунденге, жэгIмет э рабиревоз ведиromo эз сер гъоврегъо. Хэлгъ дес шуше бэгъдо, раби гъишд Сосуне ведиromоре поисде э пушой жэгIмет, гуфди эз Сосун ю раби гуфдире гофгъоре гуо гуфдире:

— Ме Сосун, кук эн Шебетеуьм, — мугу раби.

— Ме Сосун кук Шебетеуьм, — гофгъой рабире вогоруш сохд Сосун.

— Эз кемер бебейму омор. Эз ме бэгъэй бебеймуре де кукиге нисди. Эгенер э чигърет ме ве нумме ухшеши омор, эз нуминей ме, бебеймуре э гъовре инжимиш сохдегор бисдоге эз гъуьуьн жэгIмет офдоно...

И гофгъоре Сосун эз песой раби вогоруш сохденге, жэгIмет э е лэгIэ «Омин» гуфдире омо э дигъ Эзун-

Өзгөйдөйгө гьер мерд нун-чейтен хуышдере, бил-лапаткей хуышдере вегуьрде офдорут э рэхь, кор хуышде.

Сосун эз сер гговрегыо э хуне дироморемунде, диренге кунж хуне, и ченд мегь шев-руз хьэлов бешу вегуьрде небугьо жиге, тигьини, э дул не мувэхь энү лап кори сохд ки, эз имбуруз эйло у э и ггуьлом етими. У дегешд э сер бирэхьне хори, те вомунде, гголок бире, те чум ю э хифлет рафде гирисд.

IV СЕРНЕ

ДЕРДГЬО ВЕ ИХДИЛОТГЬОЙ ЭН ЖЭГИМЕТ МУЫШГУЪР

Чор киномуьрд Муышгуьр гьеме више-куле бу, хэлгь ю косиб, гюни. Угьо эз келе те чукле, себэхь зусери, хэсдеи жендек ишу, не тэхьи эн хов ишу нерафде, муьрафдуьт э кор, е сер гьэргьи шохьонгум могошдут э хуне. Эз више, эз чуьл ве дигь гьэйр угьо дечиге, де рузиге ние диренбуьруьт. Амбардеки, энугьо нум хуышдереш э дефлер, э когьоз нувауьсде ние дануьсдембуьруьт. Ггуьлом эн угьо, дувньёг эн угьо — э чор кинои эн дигь ишу дебу. Гьечи эрхэ бе эрхэ зигьисдегоргьой эн дигь Муышгуьр овом, торик, эз ггуьлом бейхэбер миоморут мирафдуьт эз и дувньёгь.

Шев биренге хэйли мердгьо, зенгьо, чуьтам гедот гьисдиге, оморут э хуней эн Шebetей, э сер овил ю. Чор зани зере э сер полхол мердгьо э ёло нуышдебируьт, зенгьо—э ёло. Гьемей энугьо косиб-кусуб бируьт, эз сер-те э гюнигыо ухшеш зеренбируьт.

Нуьмаз хунде, гьер мерд эз хуне овурде хурек хуышдере хурде бэгьдо, мердгьо дуразе гьэйлогьошуре тэхьле томбоку пур сохде, сер гуьрдуьт эри кешире, ихдилот сохде, э дуьл ишу деригьо дердгьоре, войгегьоре эри гуьфдире, гирошде рузгьоре э ёр овурде.

— Эз Шebetей муьрденки,— мугу Бейгьуш Шелбет— мерде дие э и ггуьлом ихидьбор нисди.

Гьемееки денишируьт э лой Бейгьуш Шелбет, кимигьо э верасиреиревоз, кимигьойге гьери, егьни, чуь гуьфдире хэьлиге уре.

— Ме мугум догьгьо-дерегьо хьэл мибу, Шebetей хьэл мибу. Е аслан-гизроил бу.

— Эй, ггуьломи дие-е, — ох вокошире гуьфди е чукле саре мердле, сипре рушгьо.

— У э сер тозе хунегьой эн ковхоре вокурдеки э зэгьифи офдо,— мугу Бейгьуш-Шелбет. — Гьомуил дениши ди Шebetей жонлуье одомини, фэхьле зиьди гуьрде пуле гьымиш сохд, гьеме коре: эри керпич бурра, овурде, бору кешире, гьят воноре, вегьинд э сер е тэхьно Шebetей. Филиш тэхьно унгьэде коре эз сер ниберу. Хьэл бисдо мерд дие, офдо э кун хьэлов. Имугьой ковхо э кифлет хуышдеревоз эдее э тозе хунегьо-ггэличонгьо зигьисде, кеф сохде, оммо Шebetей, э тасире гговре дегешди. Ижиреш муьггуьжуьз бирени?

— Э-э-эх, бобо вой, ггуьломи дие, пуче ггуьломи, — мугу гене и дес деш дуразе ох вокошире саре келе мердле.

— У кор нечоги-зэгьифи нисди, — мугу е огьиле депушлее раче зе, Эвшэгь мому,— уре таланмиши бири, эз у муьрди. Нешумой энуре э тэхьно жиге гьэйлифо талдан сохди. Фэгьери Шebetей, ченд хокьой ю ггуьмуьр гердо шиновусдегоруре, эз озгуня хуышде шев нимешев тэхьно э гьирогь гюв мурафд, э више мигешд, э сер гговрегыо мурафд — эз гьичиш нисе терсирембу. Эхир гьэсд сохд э жун ю, берд нешумой энуре.

Гьисди нуышдере мердгьо не зенгьо бовор сохдем-бируьтгеш э ижире гьэсд сохдеигьо, садан-ггэлифегьо, оммо угьо э гофгьой эни мому унгьэде гуш невонорут. Угьо дануьсдембируьт, ки Эвшэгь мому дусд хуней эн ковхой, Гьомуили, уне гуьре у эдее мейл энуре гуьрде, тэхсир эн Шebetей нечоги бире муьрдеире эз сер Гьомуил вегуьрде э сер ггэлифо вешенде.

— Гьеле гьэгь мердеш эри хуне вокурде бегьем недори, — э Госиревоз гуьфди Бейгьуш-Шелбет. — Дениши ди Шелбет э кун хьэлов офодори, эз дес ю не шуькеет сохде моров, не биней бутгьоз юре гуьрде, ковхо хьэшо зе, недо пул-хэргь энуре.

— Мифуьрсуь туьре гене э Сибир-гьо, сибери мибоши, бейгьуш, — э зарифетевоз гуьфди мэхсеречи, е жогьиле сие чердее мерд Рэхьмон. — Е дес эз Нукол сибирей бирей оморей э Муышгуьр и десиге туьре е сер э дегрей жегьендем мифуьрсуь, эки дэгьэйту е жигей, эн ггуььртне керге хуо гье э кори. Овилхунеш буге, эз и гофгьо гьемееки хэндудьдут, денишире э лой Бейгьуш Шелбет.

Бейгуш Шелбет душгоре вежегунде, денишире э нушдогору, мугу:

— Ме чүь сохум, ижире зомонен гуфдире, дузи-хисоби нисди, худо дури, хьоким бижо.

Дигьбонийго э ер овордуэт чүьтам ковхой эн дигь хэйли мержго ве вишегой жэгметире эри хуьшде ве-гуьрдиге. Имогхой не нэхире эри хорунде буле мерж мунди, не бегеме беш-хуьзуьм ве гьит-гьойме эри оворуде ужире вишей жэгмети мунди.

— Эдее гуфдиренуьт, у эз Шуре, эз ки губирнатур куьпчи оворди эри и хоригво ве вишегой жэгмете сэ-хьйби сохде. — мугу есиевичи Илизир. — Гуфдиренуьт губирнатур, хэьгерзорей падшогы. Нашдови эн у е душунде сер хуги не е пуьтуьрке тувнде эрэгьини. Гьерки э ки эн у рафд э шуькеет, енебуге эри де кориге, тэхси, у эз пул эн руьшувье гьэйр, е сер хуиш бие беруь, е пуьтуьрке эрэгьиш эри губирнатур. Угьоре нехуьрде у э одомиревоз гофши нисе сохде.

— Ковхо Гьомуилиш берди эри эн у сер хуге не пуьтуьркей эрэгьире? — пуьрси киниге эз есиёвчи.

— Дие чүь дануьсдебири туь, — жугьоб до есиёвчи э дилбоширивоз, диренге ки хэлгэ э ю лап гуш венори, — у губирнатур не зен ю эз хуг не эз эрэгьи хурде гьерки ченд е гомиш бири. Ингьэде угьо гурунд гьисдуьт, чор-гэсбе глэребе берде угьоре. Зен эн губирнатуре, «каспа-жа» нуми. У гьул рэхьо, сине рэхьо, сер рэхьо гешде э пушой хэлгэ, э мердгой кесеве гьэл гуьрде, вежегьисде, хэндуьсдени.

Зенгьо э мэхьтелиривоз «марч» сохдуьт.

— Эле, догь дараво э руруй ижире делине, — мугу мому, — ижиреш хьэёсуз бирени. Шуьвер эн у чүьтар дегьишди уре э хуне тологь недоре?

— У коргьо эри энугьо гьичиш нисди, э угьо ижире глэдоти, — эз и коргьо хэбер бире одомигьоре хуно гуфди есиёвчи.

Гоф веромо эз товун тэхуьл. Пор амбаргьо гисне мундет, чүьнки ворущи неомо, мэхьсуьлгьо суьх. Нимей дигьиш вегуьрди эз Гьомуил гендуьм, жуьгэ э гьэрд, э жигей е тэгьэ дуь тэгьэ дорени э сер хэрмонгьо, пирор молихь шишире зимигьоре пуч сохд, имисалиш е кор омо ведиромогое хэлгэ эз гисней, эз дес мурав.

Сосун гуш веноре э гоф келетегьо, э шуькеетгьой эн угьо дерд кеширембу, ю чүьтар мидоруге хуьшдере не чүькле хэьгерлей хуьшдере.

Егилейге эз дер дироморут э овилхуне ковхо Гьомуил не раби Нохьум. Гьемееки э пой вэхуьшде жиге дорут угьоре. Е-дуь минут гьеме лэглэ гуьрде поисдуьт, гуйге гоф не офде. Песде раби сер гуьрд эри дорошгьо доре, эз гофгьой тууро, гуфдире э у глүьломиге чүь виниреге нешумой эн муьрде.

— Э раби, михьило, Шемей, эз гьовре вэхуьшде оморенге у э нешумой хуьшдеревоз омореву, ненге? — пуьрси Рэхьмон эз раби.

Гьемееки денишируьт э раби у чүь мугуюге эри эн и кор. Гьозней эн Шемей эз гьовре шев нимешев вэхуьшде э дигь вогошден те ивэхдиш э хэлгэ сегьм шишерембу, э мэхьтели венгесдембу. Е руз поиз еки эз муьшгьуригьо, Шемей гуфдиренгьо, эзи нуьг-дегь сал пушо рафдебу э чул эри куьмуьр суьхунде. Э гьирогь вишей жэгмети э ён рэхь е келе офдоре хуьшге дор бу. Шемей у доре суьхундебу эри куьмуьр сохде. Э ён дуре кешире куьмуьргьо дегешде хисире, уре дуре гуьрде эз хуьшде рафдебу. Эз ён рэхь гирошде одомигьо диренге Шемее, мегьит бире дураз биригьоре э гьирогь рэхь, э кул ишу воноре овордебируьт э дигь. Согь шев Шемей э хуьшде недиромо. Гьемей еки норутки, Шемей муьрди, э чул нешумой хуьшдере дори.

Чүьтам глэдот гьисдиге, тен Шемее шушдуьт, э эхироти допучундуьт, бердуьт гьовре сохдуьт. Зен Шемей Шушен э дуь глэилевоз, нуьшдуьт э хуне эри овил гуьрде.

Гье у шев нимешев еки э сипре парталгьо вери эз сер гьоврегьо видов-видов, неденишире э хьов-хьов сегьо, шуш нефес гуьрде омо дер хуней Шемее куфд э е зарбевоз.

— Шушен, — мугу оморегор, — дере воку, ме Ше-муьм.

И гофе шиновсденге жендек Шушен лерзи, рангю рафд. Гье у туьтем хэбер бисдорут глэйлгьош. Сес-сес эн Шемей бу. Оммо муьрде вэхуьшде эз гьовре ниёв эхи? Гьич у бирингьо кор нисди.

— Омориго Шемей нисди, нешумой эн уни, бужу бири омори. Уре э хуне дегьишде герек нисди, и кор эри ники нисди, — фикир сохд эри хуьшде зен Шемей.

— Бура, э жигей туь рэхьэт бош, фэгьир, — э хьэле-жигери ве лерезов жугьоб до Шушен, дере невокурде.

— Чув фугьунде туь, духдер ленге назу, — мугу Шемей Глоси бире. У гьемше гьечи нифри сохдембу зен хуьшдере, Глоси биренге, ленге дедей эн Шушене э ер оворде, — воку дере, метерс!

— Бура, жон, бура э жигейтуь олхогьин бош, эри нешумойтуь нуьмаз, ярсаяд мизеним, олхогьин бош!

Шемей гоф Шушене бурри, сер гуьрд эри хьэрой сохде.

— Воку, эри ме овосуне мэхун. Зубош, духдер кук сег, небуге, гьэбуьргьэтуьре гене дегенеги воисде, ме немурьдем, эдее гуфдиренуьм, воку, метерс!..

Шемей сер гуьрд э душевоз, э поевоз дере эри куфде, хуьрд сохде вокурде. Шушен эз хьэлежигери жун хуьшде сер гуьрд эри хьэрой сохде: «Эй хьэрой, молкомут э чигьрет Шемей чаруьзде жун имуре эри берде омори, ой хьэрой!» гуфдире. Эз илойге Шемей Глоси бире сер гуьрд дере деш э зарбовоз куфде, бебе-дедей зен хуьшдере вешмерде нен юре ки э хисреки жиге берде э гьовре донориге.

Э сег хьэрой-хьэрой, хэлгь, келе-чуккле, эз хов бу-жу бире шев-нимешев кура бире дироморенуьт э хьэет Шемей. У э зир товуши менг, ранг у рафде, э сипре партал эхиротировоз гьэгьигьэтиш руьхьэ хуне веде бирембу.

Хэлгьэ диренге Шемей поисд, омо эминжи хьэет, бирден эз нокуми шэгьгьэ зере хэндубьд, мугу:

— Ой, жэгмет, мере ишму зунде-зунде бердейт гьовре сохде. Шушен эри ме дер нисе вокурде, терсире-ни, гуит е дуб гоф э у олхогьин сохит уре!

Хэлгь э мэхьтели ве сегьмезов дениширебу э Шемей, куьнд неоморе. Ижире муьгьубужуьзе угьо э чумь ишу гьич недиребируьт. Оммо угьо шиновусдебируьт ки кимвэгьдо гьэлифо чигьрет муьрде одомире вегуьрде оморени эри гьэзд сохде э мерд-муле, зен-зору, глов-глэил, э мол-гьэре, бисду-мэхьсул эн ранжбергьо-дигьбонигьо.

— Куьшат уре, — бирден киниге хьэрой сохд эз десдей куре бирогору, — у Шемей нисди, э хумней Шемей омор гьэлифои, мегьилит э жун-молишму гьэсд сохде.

Шемей бирден посодо хуьшдере, э мэхьтели не тер-совоз дениши э жэгмет. У шинохд сег эн ковхо гьо-муиле.

— Гьомуил, — буьруьж, вегуьрд Шемей. — Э сер туь худо вери. Эри чув бие куьшде биём ме, ме э ки гуж-зобуни сохдем!

Ебьогге е сег-чор одоми эз Глэрей поисдегору э хэн-желборезов, э чор-ленж одомиге э поегьо-гьилигьоре-воз рафдуьт э сер Шемей.

— Бо-бо вой, мекуьшит мере! — гуфдире Шемей, дес-гьоре вежегьунде, буьруьж ведешенде серсоне хуно видовуст э иловлей хьэет, жиге офде эри вирихде. Диренге ки иловлей хьэет гьеме ведабурай, божьхь дешенде-дешенде гуфди:

— Ме гьэлифо нисдуьм, э жун худо, воисдениге «ШемэгI исронлиш» хунум эришму.

Гье и туьтем е дегенеги эн киниге раси э гьэбуьргьэй эн Шемей. У деш сэхлде буьруьж вегуьрде эз дорд дорей не хьэлежигери офдо э хори, несде зури-зури вэхуьшд гене. Диренге у э пушой хуьшде э тоегьирезов Бейгьуш Шелбете, десе э минтевоз кешире э лой эн у, гуфди:

— Шелбет, мезе мере, бирор-ме!

Э и туьтем хэнжел э дес киниге э товуши менг жесде раси эз хиегьой эн Шемей, е дегенегиге гье у сэглэт раси-э бирхьне чире сер энв. Шемей гье у сэглэт офдо э пара бире серезов, хуьрд бире дендеборезов ве хэнжел расире кемервоз, э хурезов билесумол десгьоре гьеркире э ёло шенде дураз бисдо э хори.

Гье и туьтем дув доне жогьилгьой эн дигь шуш нефес гуьрде дироморут десдей хэлгь.

— Эй поит, мезенит, — хьэрой сохдут угьо, — иму гьей-сэглэт эз сер гьоврегоь эдее омореним. Гьоврей Шемей рэхьои, э гьэд гьовре кес недери...

Хэлгь гьогь, мэхьтел бире, Бейгьуш Шелбет иш э зере дегенеги хуьше пешму бире гьуз бисдо э сер Шемей, жумунд уре, огол зе, оммо у жугьоб недо. Зен Шемей ведиромо эз Глэрей хэлгь, муйгьюуре лов сохде, венгесд хуьшдере э сер э хурезов биетмиш бире жендек шуьвер хуьшде.

Сегьхимуьн бердуьт дуборе гьовре сохдуьт Шемее. Эри эн у и дес гьовре вкендуьт э гуфдирей эн рабирезов эз гьоврегоь дурте. Эри эн у сеньгьши негьишдуьт дешенде.

Имогьой и ченд сали гьоврей эн у э Глэрей шеведульгьогьо ве бегьэульгьогьо вир-кур бири, веде нисди, оммо и гьозие-гьэдер дигьне рузе хуно э дуьл хэлгь раси-мунди.

— У белки эз расдиш Шемей бу, — мугу раби жу-
гбоп доре Рэхьмоне. — Оммо, у — ме эришму гуюм, эз
сери-вери хуыште неоморему. Уре эзунжо фуырсерегор
бири эри гъэд сохде э жун-мол хэлгъ.

Сосун десе 5 чуне веноре эдембу гуш веноре гъозней
эн и ихдилоте. Бирден э пушой чум эн у омо, чутар бебешу
Шемее хуно взухуыште э дигъ омориге, хэлгъ э буйру-
гъи эн ковхоревоз кушденбуге уре. И кор э дуыл эн
оморенки, у гъебо бирден сэхд келе-келе гирид.

V СЕРНЕ

КЕЛЕЙ ЭН ХУНЕ

Гуселегъой жэгмет дигъе эри хорунде гуселовчи герек
бу. Амбаре косиб-кусуб лебу э дигъ Муышгъур, амбар-
гъоре те вэхд бичингъо тэхуыл вес нисе сохдембу. Эн ки-
мигъо гъич э кендугъошму глорд нис дебирембу эри е-дуь
мегиш, иллогъки эн хори небирогоре одомигъо—батрак-
гъо. Оммо неденишире э косиб-глонни гьер мерд кук
хуышдере э нэхирчигеги, не гуселовчиети нисе дорембу.
Зиндегунни эн амбардеки дигъбонигъой Муышгъур тэхъл,
косибш буге, кор эн нэхирчи нен гуселовчире угъо лап
элчэгъэ пише хъисо сохдембируьт. Гьер одоми, чорей
юре худо небураки, э у кор нисе рафдембу. Кимвзгдо
гоф э гоф меромогэ э глэрей хэлгъ, дуь эз еки мугуфди:
«У нэхирчи бэгъгъ гъисди». Оммо Сосун лап шор бу юре
жэгмет э гуселовчи норени рази бири гуфдире. Дануьс-
денге лезги Хъэсен кук эн дусд ю гуселовчи эн дигъ бири
гуфдире, омо э Муышгъур эри дире Сосуне, несиглэт доре
уре.

Сосун диренге Хъэсене амбар шор бисдо, бебешуре
дирере хуно омо эри эню. Лезги Хъэсен э хуне дироморе-
мунде пура гъейбеюре но эз кул хуыште, гъэл гуьрд Со-
суне, духделереш, тигъи сохд э пушой энугъо хуышге эн-
жинегъо, домбулгъо, до э Сосун э бисд ловош, не е келе
сер пени. Песе нуьшд э ён эн угъо, бебе э ки глэйлгъой
хуыште нуьшугъоре хуно, сер гуьрд э угъоревоз эри гоф
сохде, угут-несиглэт доре.

— Туь глэйлш гъисдиге, — мугу лезги Хъэсен эз
Сосун — имогъойле келей хуни. Гьер кор туьре э эгъуьл
не сабуьревоз сох. Имогъой туь гуселовчи бирей. Амбар
хуб, кор жэгметини. Эри жэгмет хуб кор сохдиге, туьре
э гъэд хэлгъ хуьурметш мибу. Кор сохдере глэйби-глю-

ри нисди. Токп одоми гисне-бирэхъне немуну. Туь етими,
тэхънои, етима несиглэт дорогор амбар мибу, нун дорогор
нибу. Гъеме одомигъо бебешмуре хуно жоборд, рэхъме-
дуьл нисди. Бебешмуре эз туь ме хубте дануьсденуьм.
Согъиго гердо, туь келете биренге, ме ихдилот мисохум
эритуь, чуьжире одоми буге бебешму. Кор сох, э кортуь
увъигъе ведиро. Э метелегъо гуфдирени «Етим дируьлер
шерменделугъ молкомуте гъолер». Е метелейге гуфдире-
ни: «Гуьрг бире хэлгъе э хуыште хъэлово месох, не гус-
бендиш бире э зир кес медомун»...

Ижире угутгъо, несиглэтгъо доре кук эн дусд хуышде-
ре, лезги Хъэсен гъе у руз вогошд э дигъ.

Гъунши-мэхъэлей дигъиш етимгъоре эз чум нисе шен-
дебируьт. Гогъбир, еки тара, еки жэгл, еки нухориш миди-
ровундуьт эри энугъо, гоф гуфдире, дуьл доре етимгъоре
мирафдуьт.

Сосуне жэгмет гуселовчи норенге, у себэхъимуьн
тирохгъо-питовигъой хуышдере хуб вокурде, бесде, то-
гъор э гъултугъ доноре, э сер килэхъ веноре эз и усло-
дуье холисе нэхирчигъо-гуселовчигъоре хуно э дуьразе
чубугъэш э дес гуьрде ведирома э кучей дигъ, нэхир не
гуселегъо кура биренигъо жиге. Эзунжо э пушо дешенде
гуселегъоре берд э хьэрмэхъ хуышдеревоз эри э чул хо-
рунде.

Хьэрмэхъ эн у Хъэгей бу, кук бие зен эн Овгъонл гуф-
диренигъо. Уш е дуьвзэдгъе-сиздегъ сала глэйл бу, фире-
гъе сифет, назуке дуьшо, лэгъэр, ранг рафде. Шугъэм
эн у эз зеглифи гъолиш, вемасире бу гъоволе хуно. Оммо
эн лап темизе дуьл, муьгъровуне глэйл бу. У не Хъэгей э
еки лап зу дусд, бироре хуно бисдорут.

Гъечи гьер руз себэхъмунде медебердуьт угъо гуселе-
гъоре эз дигъ, шохьонгум могордундугъ эз нэхир. Гъечи
гьер руз эз Хъэгей гъэйр, уре эри гоф сохде одоми нисе
бирембу. Уне гуьре Сосун амбар-амбарш поисле эри
хуыште тэхъно думит мисохд. У э и гуселегъоревоз э и
вишегъо, кулегъо, мержгъо гъечи хуте биребу, э
гъэд хуне дерире хуно. Келе доргъоре э гъэд више, сав-
зелуье мержгъоре, мугъумлуье эрхгъоре эз глэрей серине
гъубигъо у диренге, гуйгъе етими энш эз ёр эню фурмуш
бирембу, куьгъне дусдгъо-шинохгъой хуышдере дирере
хуно оморембу эри эню.

Воруше руз мибисдоки, у не Хъэгей, рэхъо доре гу-
селегъоре э савзегелуье жиге, гъэчор-хуьзуьм кура

мисохдуът, е хубе г1этош монорут. Э гъирогъ г1этош нун гъуыгъуз сохде мухурдуът, э шинг, жуърмуьсдек, енебуге жэг1эвоз. Рузгъой гъеминон, чъышмей гъеминони э гъэргъи асму вероморенки, убо миевурдуът гуселегъошуре э э сейреке више, э гъирогъ г1ов, э «мегел», э серини рэхъати мидрут, дуь эри еки э дуразе шевгъой поэзи нен зимисдуне эз келемердгъо шиновусде овосунегъо, мэг1нигъоре мухундут.

Е руз Сосун эри хъэрмэхъ хуьшде овосуней эн «Балагъмеде» гуфдиренге, Хъэгей лов хуьшдере э хэнде веберде мугу:

— Балагъмедии менетуьннре хуно гуселовчи бу, етим бу, песде падшогъ бисдо. Туь падшогъ мибисдориге, Сосун, чъу мисохди?

Сосун э хуьшде домунд, песде гуфди:

— Эз гуселовчи не эз нэхирчи падшогъ нэг1, ковхой дигъиш нибу. У э овосунегъо гуфдиренигъо гофгъои, Хъэгей.

— Нэг1о, ме едее эри меселе, эри хъээ гуфдиренуым, э хэр, — мугу Хъэгей.

— Ме падшогъ мибисдорумге, — мугу э гъегъревоз Сосун, — ковхо Гъомиле муькуьшдуым, гъэргъ бебеймуре не косиб-кусуб дигъ имуре эз у медешендуым.

И гофе Сосун гуфдиребугъо вэг1до, гъеле э хъэлгъовхогъой знуш недобу, е ченд сал гирошде бэгъдо чъу догъгъо-гилгулгъо э сер эн у нен е теке хъгъерлей ю миегъо ковхо.

— Туь чу мисохди, Балагъмеде хуно, эз гуселовчи падшогъ мибисдориге? — пуьрси Сосун эз Хъэгей.

— Ме, — мугу Хъэгей — нечогаъ дедеймуре гъемеруз те суьрой чой не шекер мидорум. Туь гыч шекер э чоевоз хурдей? Погъ, е лезетгъуь бирени, гуйге мелхъм дерафде э руруйгъой одоми. Ме егилеле хурдем, дие нэг1. Песде дедеймуре э тозе парталгъой зар-зари геймиш мисохдум, зимисду минушундум э ён герме кинле, гъеминон э тен офдои. Небуге дедейму хъэл-гъэчор бири, — гуфди Хъэгей э дердимендиревоз.

Сосун гофгъой энуре шиновусде дуьл юш гурун бисдо. Уре хъээ омо эз гофгъой эн Хъэгей, эз хубе хоснет эн у, чъутам у дедешуре гъимиш сохденгге, хосденгге. Эзи лойге э пэхъники бэхили сохде э у, ох кешире э дуьл хуьшде, мугу: «Туьре косиб делеш гъисди, меллере екиш нисди эз е чъукле хегъерле гъэйр».

Кими рузгъо Сосун не Хъэгей гуселегъоре эри хорунде рэхъо сохде, миоморут минишдуът э ки э чул кор сохдембугъо дигъбонигъошу, э меслэхъэт минуьшдуът э угъоревоз, хъол руз екире мипуьрсируът, мидануьсдуът.

Е руз Сосун гуселегъоре э нэхир бердеки, вохурд э Рэхъмон. Рэхъмоне гъеме дануьсдембу э дигъ зарифетчи, дуьлшоре одомини гуфдире. У е хубе чъынгир «зере, зурнов зере, мэг1ниш хундембу. Е ченд бенд мэг1ни у эз хуьшде гуьнжундебугъо э гъемей дигъ мэг1дуьм бу, жем-жогъил э хурде-нуьшде жиге, э сер г1эруьсеигъо хундембируът мэг1нигъой энуре. Оммо имбуруз гъовой эну могъбул бу, у эденбу э е чъукле мерж кор сохде. Э зир чолгъуй эн у жерге-жерге эдембу офдоре дурунде хэсде гиевгъо, герме буй эн пажире савзе нен гуьле лов сохде э иловле. Сие, эз чъышме сухде сифет эн Рэхъмон эз эрэгъ тар бу, гъирогъгъой ейлуьгъэ бесде у э сер хуьшде дегуьрдебу. Э кемер эн чъуьлкине шеи жомои эн у эз эрэгъ гуйге кежер гуьрдебу.

— Руз эхэйр бу, худо гъувот дуь! — мугу Сосун эз Рэхъмон.

— Эгъиббейтуь эхэйр бу, о, Сосуни, — мугу Рэхъмон, — бие нуьш, меш эдее ведироморенуым, е кем чи хурум, е папрус кешуьм.

Мегъ эн июнь бу. Гъово лап гъызгъин герми бу. Офдон гуйге эдембу г1этош рихунде. Эз герми офдои э гъово денишире чумгъой одоми дорд дорембу.

Рэхъмон ведирома нуьшд э гъирогъ мерж, э зир серине чинор дор. Э дор, э сер лиге чейтен эн кори эн у дуьлу бу. Э куьндигъо е ченд гъилогъ, буй эн нун не пенерие дире э чейтен, дундугъгъошуре звере-зофруво вешенде-фушенде эдембируът гъэр зере, оммо эри куьнд бире жуьрг1эт нисе сохдембируът.

— Э жун ишму, — мугу э Г1осииревоз Рэхъмон, — и гъилогъгъош е пара одомигъоре хуно имуре чум вокурде нисе гъишде. Ди ме э гнев зереки гъилогъгъо нун не пеннере ведешендет эз тугъорейме, мере согъ руз гисне гъишде.

У веугъурде чейтен хуьшдере, но э сер гиевгъо, э Г1эрей хуьшде нен Сосун, веугъурде эз гъэд ю дуь ниме нун, е тике пенире, воно э сер тогъор.

— Веги ху, — мугу у эз Сосун, — Хъэрмэхъту те туь нуьшде миденуьшуь э гуселегъо!

Хотур эн Рэхьмоне эри негышдеи, Сосун бурри е тике нуниш, пениш, сер гуьрд эри хурде.

— Гуселешму лап рачлеи, дуьруьжди, келе бисдоки, эз у е хубе гов медиров, — гуфди Сосун, Рэхьмоне эри э гоф овурде.

— Уш гов бисдоге белки мере хэйр нидуьге, дедешуре хуно, — мугу Рэмон, гьош-гьобогъэ дуллу сохде.

Рэхьмон вегурд ейлугъэ эз сер хуьшде, но э хори эри хуьшг бире. Сосун вини, нимей муйгьой сер эн Рэхьмон гьеме сипи бу оммо у эз гьуьмуьр гьеле си салаш небу. Пушони эн у, не иловлей эн сие, раче чумгьой эн у эн огьиле мерде хуно гьуьж дироморембу. Веди буки э дуьл Рэхьмон чуь дерд дебуге дебу, оммо очмиш нисе сохдембу.

— Валлагъ эдее диренуьм, э и дигъ иму екиш дердсуьз нисди эз дуь-се одоми бэгъэй, — мугу Сосун эз и келе одомигьоре хуно, а дусди ве могьбулиревоз денишире э сифет эн Рэхьмон.

— Э гьэззи, чурь небу, — э шуькестиревоз гуфди Рэхьмон, дуьл хуьшдере очмиш сохде. — Веге виниш мере. Гьеме дануьсдени, мере хори нисди. Пор се гьопо бирени хори вегурдебируьм эз ковхо Гьомуил, дуь жуьфд гомишиш, кутониш. Хори зобуне хори небу ме кошдебируьмгьо. Оммо чуь кориге порине зимме зерди зе, э нимеиш техуьл недо. Эз у нуьгь-дегъ тэгъэш э сер хэрмонгьо, нимеиьуре ковхо Гьомуил берд жигей хори не мол-кутон, эзунбэгъдойге е тэгъэ раби, е тэгъэ — шо-мош, е тэгъэ—доллок, хэрж падшогыи... Э сер хэрмонгьо э хуне эз дирновужгьо, хиегьо, лапаткегьо зиелде ме чи недировундем. Согъ зимисду э фойдеи вегурдем эз ковхо Гьомуил пул, гендуьм, кифлете дуланмиш эри сохде. И периго говмере куьшдем. Гьеме имид ме э у бу. Мугум вэхд бичингьон, гушд гове муфурухум, гьэрдигьо-фойдеигьоре мидуьм, хилос мибошум, имисалине кошде гендуьме семе э десме домуну. Гов-гов небу е марал бу. Валлагъ уре э куьшдеки гьечуь дануьсдембируьм е одоми эз кифлет иму эдее куьшде оmore, ингъэде эри он у гов дуьл ме сухдембу. Гьич э фикиргьо хэьлгьой эн ки дебу гьечи мибу гуфдире. Негьогъ нисе гуфдиреки: «бедмозоле эз сер девеш гуьрг михуру». Раби Нохьум куьшденге гове пусд юре кенденге, дениш э шушлугьою, «Хьэруьми» мугу. Дуьл ме гуйге бурри офдоге. Мугум: «Жон, раби, хуней мере мевачарун, чум эн е кифлет иму э и

гов дери, гов чогыи, жунсогыи, дуьмбере хунои, хьэруьм чуьтам бире и». «Э е жигей шушлуг эн у дэгъме вери, — мугу раби, э дин гомореревоз ужире мол «бие хьэруьм сохде биев».

Зен ме, дедейму, гьизилгьо эри муьрде гирисуьгьоре хуно сер гуьрдуьт эри гирисде. Имогьой э хуне ёс дери. Мере гьисдигьо е гьопо богъ онгурини. Имогьой темэхь-коре чумгьой эн ковхо э у богълей ме домунди. Уре воисдени э жигей гьэрдигьо у богъмере вегируь, рафди э шегьер э ки хьоким и коре эри дуьзетмиш сохде. У богъле эз десме ведерафдге — гьонинуьм-гьони, — мугу Рэхьмон е ох вокошире.

Песде э хуьшде домунде, лове э гужевоз э хэнде веберде, эз куьф хуьшде балабана ведешенде, мугу:

— Гьерчуь бисдо биренини е худо-худо. — Биё, эз хотур туь э киме нуьшдеи е балабан зенуьм е бенд ме хуьшдениме э зугьун иму гуьнжунде мэгъни хунум эри туь, туь гушдор.

Ловгьой эн Сосун э шоре хэнде верафд. У чубугъ гуселовчии хуьшдере эз сер зани вегуьрде, но э хбри, дегешд оново, э сер гиеьгьо э лезетевоз эри гуш веноре.

Рэхьмон балабана э лэгъэ доноре, зе е рач «чуллеме шуькесде», хунд:

Ме гьурбунум туьчуьни жогьоне
Бирем эз дерд туь дельу-дивоне,
Бие мекуьш чумьени жейроне,
Бош эри дердгойме туь е чоре.

Гьуьзуьругьуьм ме э чуьлго веруьм,
Дуьсдолъ хуно э телуь дерум,
Гьэрибе хуно эз чумгьо дурум,
Бош эри дердгойме туь е чоре.

Буьбуьл ме туь вих луьгеймере,
Хун у дуьлхоше мэгънигьуре,
Мерухун гьэрс чумгоймере
Бош эри дердгойме туь е чоре.

Поиз миев, мибошум хэзол,
Э гуьлгьо-богъгьо мофдону зевол
Пуч мибу гьуьмуьр недире мозол
Бош эри дердгойме туь е чоре.

Гьуьзуьругьуьл вишеуьм хунге гуьрдем
Рихьон синемере зйтуь дошдем,
Дуьлмере э туь омонет гьишдем
Бош эри дердгойме туь е чоре.

Рэхьмон мэгҮни хуышдере хунде верасденге, Сосун эз у «сог боши» гуфдире, чубугь хуышдере вегуырде э песой кор хуышде рафд. Рэхьмон чолгьуре вегуырде э мерд дерафд эри гнев дурунде.

...Сер хэрмонгьо, бичингьо бу. Э гьеме жиге гендუმгьо зерд биребу, бичинчигьо эдембирут дурунде угьоре. Гьэребегьо гьэре недоре гьембиз зере дерзгьоре эдембирут овурде э дигь. Иловлей эн дигь гьеме хэрмонгьо бу. Э ён эн угьо дерзгьо сер-сереки децирбирут, э ён гьер хэрмон вокурде оморебу чордогьгьо эри рэхьэти сохде э серини эри хэрмончигьо. Гьэсбгьо э велгьо бесде эдембирут чарх хурде э гьэриш хэрмонгьо, гендуме эри куфде.

Э гьирогь эн дигь, э ён рэхь бу хэрмон эн ковхо Гьомуил. Дерзгьой гендум эн у децире оморебу э гьундири эн э догь. Чор гьэсб э велгьоревоз эдембирут куфде дерзгьой энуре. Гьэребегьой эн Гьомуил гье и рэхь дебурут дерзгьоре эри овурде эз дурунде зимгьой эн у, э ченд гьуллугьчигьо-батракгьо эри эн у дерз э хэре децирембирут, жапуьре вор дорембирут.

Сер шохьонгум биренге гуселовчигьо Сосун не Хьэгей гьерки е туморе вегуырде хэрмон бе хэрмон гешде сер гуьрдуьт эз ранжбергьо гьэгье ишуре эри вегуырде. Кире гуселе дериге э нэхир гоф несохде тэгьэре гендум пур сохде мидекуьрд мидоне э туморей эн гуселовчигьо.

Е ченд туморе вегуырде э хуышдеревоз гуселовчигьо оморот э сер хэрмонгьой эн Гьомуил. Хэрмончигьой эн у дуй-се рузине жапуьре вор доре, гендуме гьембиз зере гьишдебу э сер хэрмон. Э и келеи гьембиз гендум, ченд гьундуре тепеи, Сосун гьеле э чум хуышде недиребу. Угьо оморебугьо вэгьдо, Гьомуил нуьшдебу луйнге э сер луйнгь воноре э сер чордогь, эхэне лов сохде э серини. У эз и дуй сэгьэт пушо э «машин пиштовевоз» эз Дербенд оморебу. Э сер эн у вебу тозе зерде килэхь бухоре, э теню ковре чухгьой мугуты, сэгьэт зенжили э синей ю дери, э пой ю тозе герде верие чекмегьо. Еки эз батракгьой эн у, жогьиле кук хошмемзили, гьетте э легьэ папрус доноре, Гьомуил э сер эн у хьэрой вегуьрд:

— Угьреш, папрус кешире туь инжо. Туьре воисдени, мере су дени. Шолум! Ой Шолум! Э беберевоз мироштуй, эжи туь, — деш гьоси бисдо Гьомуил, огол зере Шолуме.

Гье у сэгьэт эз ён фэхьлегьо видов-видов омо поисд э пушой Гьомуил е раче жогьиле гьевдегь-гьеждегь сала кук.

— Чуьи, бебе? — мугу у.

— Туь невнигьо, — мугу Гьомуил, хуни-хуни денишире э кук хуышде, — туь и фэхьлегьоре лап вол дорей, гьудирмиш сохдей. Уни, у думбура, эдембу папрус кешире, — бирмунд э Шолум эзи эхэторе хуно поьсдебугьо гедере э папрусевоз. — Эри эн у чуьи ме йгьэре сухде оморумге, деш э томоше мипою. Дануьсденуьм ме дуьт эн у угьрешгьо, пой бирэхьнегьоре. Угьо зарали сэхь-бе хосде. Нун сэхьыбе михурут, — зарали сэхьыбе михогьут. Имбурузине гьэгьэ энуре меди, бигьил дану, гьудигь, эри ки кор сохдеге.

Гьомуил руш хуышдере э гьэгьоревоз покурде, доно гьэйлере э легьэй хуышде, эз кук хуышде биразире хуно, мугу песде:

— Ме туьре э Дербенд э гимназие эдее хунденуьм, е салле мунди эри верасдеитуй, туь эз ме хубте фегьмлуй, дананде боши, э мол-муьлк ме хуб дениши, деш зийд сохи уре, гуфдире, оммо ме э туь денишире мэхьтелдум. Туь и дуй песини сал сер ебо э вэхд гьеминон эз гимназие э дигь оморе энжэгь э и фэхьлегьо-пойбирэхьнегьоревоз э меслэхьэт мундени, дусди гердундени. Туь э же, угьо э же. Туь кук Гьошир, эн ковхой дигь-жегьмет, эдее э гьебегдезегьой Дербендевоз, кукгьой Оврогьом Дадашевоз, Сефдер Ахундевоз, э е гимназия хунде, эритуй гьэиб нисди э и кун бирэхьнегьоревоз дусди гердунде, туь казунни, одоми падшогы биреки. Э ме хэбердоротор бири, туь эри энугьо эз товун эн коми гьирхьэрембошиниге, Сеселизмиге, киниге, эдебири хэбер доре. Кини у Сеселизм, жу-гьури, уруси, мисурмуни? Эз гофгьойтуь ме эдее дире-нуьм у угьреш амбар рошогьэ одомини, эз худо, падшогь, Гьошир хьэз оморенигьо одоми нисди. Эжигей рафде эз дес эн у хьэремзеде э пулсне мэгьлуйм сохде, туь эдее гофгьой эн у думбурере эри эни шовол бирэхьногьо гуфдире. Негуи э Дербенд, э коми куче зигьисдеге у, ме беруьм эз дес эн у угьреш мэгьлуйм сохум!..

Шолум охмурне гофгьой бебешуре фуберде, шиновусденге чуй гуфдиреге у эз товун социализм, э гужевоз хэндей лов хуышдере поюнде, мугу:

— Инжимиш мебош, бебе, у социализм гуфдиренигьо мерде дешенди, э дуйсдогьи дери.

— Огь, баракаллагь, — гьэйлере эз легьэ — ведешенде шори-шори гуфди Гьомуил, чек зере. — Падшогь нму пад-

шоҗ гьисдиге, имугьой бие сер энү, эн у... Кини нум эн у ализи? Гьо, сеселизмере бурру, жигейюни куксеге?..

Э ки Гьомуил — омо чуклей кук эн у, Эсеф, е дегь-дываздегь сала г'эил. У омо, занигьой бебешуре гьэл гуьрде поид э пушой эн у. Гьош-гьобогьгой эн ковхо гье у сэг'э-дүз бисдо, лов ю э хэнде верафд. Сер куклей хуьшдере э лесевоз совусде, эз гьирмизине гьутиней ю гуьрде, Гьомуил гуфди келе-келе:

— Герчуь бисдо мере эз и мибу, — денишире э шоре, сифет г'эил гуфди у, — дузи, хэлефме? — не ме тувре эри хундеш нидуьм, не э ежигеш. Мосдоуьм эри туь е хубе юрг'эе г'эсбиш, е ерегь-тапинжеш, мигерди эритуь, э сер мол-муьлкгьойме, сэхьйи мисохи.

Ловгьой Гьомуил гене шефд бисдо, гьошгьой ю дул-ду, диренге гуселовчигьоре, э туморегьоревоз поидсеби-руьтгьоре э ён хэрмон.

— Ишмуре чүь воисде? — мугу Гьомуил хуни-хуни денишире э угьо.

— Худо берекет дув, — мугу гуселовчигьо э елэг'э, сер зере, — гьэгьлеймуре эри берде оморейм.

— Э дес гьеркишму е туморе нэг'л, е ченд туморе дери, — э руьхшендиревоз хэндубьз Гьомуил.

— Худо мобуро, — мугу Сосун, — эн и хэлг'э эн гьер-ки е гуселе дериге э нэхир, эн туь чуьл доне дери, чуьл тэгьэ гендуьм расире эз туь, лелей Гьомуил.

Бирден Гьомуил г'оси бире, сег г'энж гуьрдере хуно эз жигей хуьшде гьов конде омо э сер Сосун.

— Эй хьэремзеде, о! Туьш мол-пулмере шуморде, чум туьш э мол-пул ме домунди? Ченг'эдеш шумордиге, туьш бебешмуре хуно эз гиснеи мимири. — Гьич пей-делуь э г'этлуь нирасуь. Э геде, екиш «ги» гуфдирогор нисди, гьеме: «ди» мугу.

Ижире огьурдомогьгие гофе эз товун бебешу эз ковхо шиновусденки, дуьл Сосун гуйге бурри офдо. И хэйли вэг'до, эз бебешу муьрде эйло у негирисдебу. Имбуруз эз гьэгьр дуьл хуьшде гирид.

— Ме гьэгь мере эри хосде оморем, туь бебеймере эричуь вешмерде, — гиристе-гиристе г'эрсгьой чум хуьш-дере покурде гуфди Сосун.

— Бошгу, — мугу, Гьомуил, — гу, Шолум эз Бей-гуьш Шелбет, — у элее жапуьр вор доре, — игьоре бисд тэгьэ гендуьм дув.

— Бисд тэгьэ нисди, лелей Гьомуил, — э шолумире-

воз гуфди Хьэгей, — чуьл тэгьэи, сери гуселе е тэгьэи, тэхэ гьисдигьоре хуно.

— Эгенер рази нисдитте уреш нидуьм, — э уьткеми-ревоз гуфди Гьомуил, песеде гьул эн Эсефе гуьрде э тегьнимиревоз вэхуьшд рафд э лой хуне.

Шолум э дусдиревоз денишире э сифет г'эилгьо, мугу эз Сосун:

— Мегирис, хуьшдере хуьрд месох э пушой эн гьер сег. — Бура эз нуминейме гу э Бейгуьш Шелбет ишмуре пенжоғ тэгьэ гендуьм дув, г'эребеш дув эри гендуьме э хуне берде.

Сосун не Хьэгей эз шори оморут зури-зури десгьой эн Шолуме эри моч сохде. Шолум десгьоре э песой кемер пэхьни сохде, сер гуьрд эри серкуш зере угьоре:

— Э хьисобиревоз, не не Гьомуил бие моч сохим десгьошмуре, эн Рэхьмоне, Бейгуьш Шелбет не угьонигере. И гендуьмгьо, мэхьсуьлгьо гьеме эн ишмуни, ишму, э жофошмуревоз сохденит и девлете, оммо жофой дес ишмуре чүь Гьомуилигьо эри хуьшде вегуьрде...

Сосун не Хьэгей и тозе кермете гофгьой эн Шолуме шиновусденге эришу норотки и раче жовон эз дуьл лап хубе одоми гьисдигеш оммо эз муьвэх, э хьисобовоз, е кем гьэриши. Небуге и чүь гофгьон у гуфдирени? Эз амбар хундеи э хьисобовоз е кем муьвэх эн у шэгьэ хурди. Хьэйф энижире кук! Унегуьре угьо зури-зури «согьбош» гуфдире, рафдуьт э шори-шориревоз гьэгь ишуре эри восдоре.

VI СЕРНЕ

СУР

Гьич бирейт ишму шев э ён више, э гьирогь мугьум-луье нуькере, э ён кумей шохи э пушой г'этош? Э торе ковре асму жовогьиле хуно эдете тов доре асдарагьо, пура менг товуш хуьшдере тигьи сохде э сер хоригьо, вишегьо деш гуйге рач сохде, вараюнде природара, нуькере э зир товуш эн менг нуьгьрере хуно тов доре, бурмиш бире мара хуно бердени г'овгьой хуьшдере. Э ён г'этошгегь гьисдигьо доргьо, гуйге эз и думутлуье, огьурдомогьлуье девгьоре хуно поиддет лос, эдете гуш веноренуьт э гофгьо-ихдилотгьошму, гуйге дануьсде воисде угьоре, чу фикиргьо, ниетгьо, сургьо, хэлгьо гирошденуьтте эз дуьл инсонгьо.

Серние кулок овордени эз чулгъо-вишегъо буй гиёве, расире гендуьме, рихьонлуье гуьлгъоре, эн жуьр-бежуре доргъоре, зерени э винитуь. Ижире шевгъо деш рач нушу дорени эри одоми, эгенер э сер глэтош, э дуьро гуьрде гъэжгъу енебуге тиён лезетлуье чи чулине э хушбуьлуье савзе-рихьонбвоз, э гушд, енебуге тозе жэглэвоз дуьширениге. Эсер эни рачигъо деш лезет дорени эгенер э эн туь ижире гуьлом дирэ ихдилотчи, овосуне-дан, чуьн Бейгъуш Шелбет гьсдиге.



Ме ижире шевгъоре э чуммеревоз амбар дирем э дигъ биреки, уне гуьре те сер ихдилоте сер гуьрде мере гуьдире воисдембу, чуь жире шев буге у шев э гъиьрогъ нуькере, э ён глэтош, э пушой више, ве эн дер рохъое куме нуьшдебирутьгъо вэхд Бейгъуш Шелбет не Сосун. Шумоле, темизе сифет эн глэили Сосун гуне дореву эз товшу ве герми глэтош, сие чумгъой энэ эз зир назуке дуьраде гъошгъо дениширембуьруьт э гъуьж дироморе сифет эн Бейгъуш Шелбет э тигъэтовоз, гуш веноре э гофгъой эн у.

Бейгъуш Шелбете де пишейге небу эз пишей жэглэичи гъэйр. У эз гъэнеп мисохд тур эри жэглэ гуьрде эз нуькере. У дануьсдембу э коминжо хуб жэглэ гуьрде мибуге. Эз назуке доргъой гъовогъи у мисохд тижэ поегъо, э месеревоз мизе у поегъоре эз и сер нуькере те и сериге, микеша э пушой энугъо туре. Э минжи эн тур у мибесд север туьрпе.

Амбардеки гуьрде жэглэгъоре Бейгъуш Шелбет мифуьруьд, э ужуре гъимет э жэглэмет дигъ, угъонигере э гъэтгъэго глов мингуьрд. Эз жэглэичи гъэйр у эри кес бичинчи, хэрмончии сохдембу.

Имбуьруз у э сер хэрмон э буйругъи Шолумевоз туморегъой эн гуселовчигъоре гендуьм пур сохде декуьрденге, эз Сосун мугу: бие воисдениге имнишев э меревоз, э нуькере эри жэглэ гуьрде, те нэхире э чул берде е-дуь жэглэ мибери эри хуне.

Имбуьрузине коре э ёр оворде, Бейгъуш Шелбет сипре бигълуье ловгъой хуьшдере э хэнде веберде, чум зере Сосуне, мугу, гуйге келегеди сохде эз Шолум, бебе эз сигъде куь-хуьшде келегеди сохугъоре хуно.

— Хубе, бэхдевере куки Шолум.

— Лап хубе куки, э жун худо, — мугу Сосуниш эз дуьли шори сохде.

Гъиь э глэшире кифлет вероморе келе бире одомире хунош нисди, — мугу Бейгъуш Шелбет эз Сосун, — эдее эри косиб-кусуб жу доре. Сер ёбо э вэхд гъеминон, енебуге э поэзи эз гимназие угъоре рэхъо доре, у э Дербенд нисе поисде, э дигъ оmore. Дусди-ошней эн у э косиб-кусубевози. Оммо падшогъ не глэширгъоре э чум дирэ нисе хосде, гуьдирени глэширгъо, чуь Гъомулигъо э дургунни, биглорин ве э хэлгъэ гуьж-муьрс доревоз кура сохдет глэширине. Э хисобиревоз, эдее гуьдире у, хоригъо, девлет э дес глэширгъо, муьлжedorгъо дерутьгъо, бие э дес косибгъо деравт, чуьнки гъемей эн угъо жофо ве гъэзенж дес эн косибгъоют.

Шолум эдее гуьдире, э Урснет е келе эгъуьлменд, гуьжлуье кумек ведиромори эри косиб-кусуб. Гъеме падшогъо, глэширгъо эз гофгъо, не эз коргъой эн у хъэлежигеруьт. Тараф энуре гуьрденигъо одомигъоре падшогъ э гунлеревоз зере, э гъээметгъо дешенде, э сибиргъо фуьрсоре. У буьзуьрге кумек косибгъоре воисдени фэхъеле-косибе кура соху э иловлей хуьшде, венгенуь падшогъе эз тэхд, глэширгъоре пиш соху, косибгъоре зигъуну.

— Зурбое одоми бие бу у эхъисобовоз, эз Рустом Золиш зурба, — мугу Сосун, чумгъоре келе сохде.

— Чуь Рустам Зол! — мугу Бейгъуш Шелбет, — Шолум эдее гуьдире, эгъуьл эн у, гъинор эн у гъеле э гъуьлом екиреш небири. Дануьсдени чуь нумиге уре? Ленин!

— Ленин! — э ширине хов дерире хуно гуьдди Сосун, Ленин чуь раче нуми. Шолум дири Ленине?

— Божэхэт,— мугу Сосун, сере жумунде.— У Ленин нуувуседе книгьоре хунди, э рэхь энү рафди.

— Эз кук Гьомуил ижире одоми, чүь Шолуми! — мугу Сосун э мэхьтелирвоз.

— У кук Гьомуил нисди. Дедей эн Шолуме Гьомуил э гужевоз Шолум шеш мегье э шубьгэм дери вегуьрди э зени, бебей энугьоре куыше.

Бейгьуш Шелбет сер гуьрд ихдилот эни коре эри сохде эри Сосун. И лап бидегЛэтие гьозие бу.

...Эз и бисд сал пушо э дигь Муьшурь дебу е раче геде, буйбалее кук, Юсуьф, кук есиьвчи. Зенгьо-духдергьо у вэгЛдои мугуфдуруут: «рачи—Юсуьфе хуно», мердгьо мугуфдируут: «игиди Юсуьфе хуно». У вэхдигьо Мелке бие зере е духдер бу, Гьуьзургул. У эз расдиш э доре нум хуыше верзиренигьо бу: рач, дуьлшор, хунширин. Эри Гьуьзургуьл амбаре илчигьо дебу. Еки эз диromo-регоргьо эри хосде Гьуьзургуьле гьемин и Гьомуил бу. У вэгЛдои Гьомуил 30 сале мерд бу. И дегь сал бу Гьомуил зе хосдебу, оммо уре гЛзил нисе бирембу. Зен хуышдере уре тогогь доре нисе воисдембу, чуьнки зен эн у духдер эн е гЮшир Дербенд бу, уре хосде оворденге бебей гЛэруьсе амбаре суьрхьо, мол-муьлк дореву.

Уре нисе воисдембу зере тогогь доре, у оворде девлете эз дес ведешенде. Гьомуил дирнге ки юре гЛзил нисе бие эз и зе, сер гуьрд эри фикир сохде э сер эн и зе е зейте эри вегуьрде эри хуыше. Ивэхдигьо Гьуьзургуьлиш оmore расире духдер бу. Чум эн Гьомуил домундебу э у. Гьомуил ченд гиле фубьсореву илчигьо э бэхшгьо-пулгьоревоз э ки бие зе нен духдер ю, эри хосде Гьуьзургуьле, оммо Гьуьзургуьл э Гьомуил рафдере э герде нисе вегуьрдембу. «У келе мерди, туьндехуни, гьошгьобогьлуьни, ме э у нирам, уш э сер зе», мугуфди Гьуьзургуьл. Э бие зе, не духдер ю, не терс доренигьо, не бэхшгьой Гьомуил кори нисе сохдембу. И коре Гьомуил э жун хуыше чихиш сохде нисе дануьсдембу. Дуьл эн Гьуьзургуьл эз зуревоз Юсуьфе хосдембу, эн Юсуьф— Гьуьзургуьле. Гуфдиренуьт э руз гЛэруьси эн угьо, Гьомуил туьфенг— гьушелулере пур сохде, э гьер луле е гуьнле доноре, еки эри гЛэруьсе, екиге эри домор, верафде дегешдебу э сер бу, шев домор не гЛэруьсе э бердеки эри зере угьоре. Песеде чүь кориге, и метлеб хуышдере у эжиге не оворд у шев. Эз гЛэруьси бие эйло, Гьомуил сер гуьрд э Юсуьфевоз дусд-ошнее эри гировунде, э пушой

хэлгь-жэгЛмет тэгЛриф доре уре, гуйге э дуьл ю гьич хьиллеи недери.

Е сал гироше бэгьдо, е руз весали, Бейгьуш Шелбет нуышдебу э гьирогь нуькере э ён куме, туре суфделе дешенде. Бирден ранг рафде, шуш нефес гуьрде омо ведиромо эз гэдд више лезги Хьэсен.

— Шелбет, — мугу у тасирее хьэрой сохдере хуно. — Гьомуил не гьуногь ю Огьомирзо гьейсэгЛэт э пушой чумме, Юсуьфе куышдет. Юсуьф оmoreбу э бенд гЛов эри рэхьо сохде эри есиев. Ме и вэхди э гьирогь више адембируьм гивь дурунде. Бирден сес туьфенг омо мере. Э сес туьфенгевоз дарафд э гушме сес божэхь эн одоми. Видовусдум пэхьни-пэхьни, мивинуьм эз посой куле Гьомуил не Огьомирзо видов-видов ведироморут эз више, вегуьрдуьт мегьит эн Юсуьфе, венорут э сер гЛэб, чапе-чап рафдуьт эжеиге.

Бейгьуш Шелбет шиновусденге и гофе, эри ю лап гуьрунд омо, чүь Юсуьфи кукке, хуге хуно э хьогьд више, э пэхьники зенуьт куышубьт?

— Ме рафде мэгЛлуьм сохдумге э хьокимгьо, — мугу лезги Хьэсен, — э гофме бовор нисохут, деш э хэто мидомунум. Оммо и муьгЛуьжуьзе коре э чумме дирэ лэгЛэмере чуьтам бесдуьм?

Гоф эн и коре угоь э гЛэрей еки амбар меслэхьэт сохдут, эхирки норутки эришу, и суре э гЛэрешу те вэхд ю расире пэхьни сохдени.

— «Согь боши» гуфдире лезги Хьэсен рафд э кор хуыше. Бейгьуш Шелбет мунд э тэхьно э гьирогь нуькере э фикиргьо-хэзэлгьой хуышдеревоz.

Эз шев е ченд сэгЛэт гироше бэгьдо, чум хуышдере е пэхьлуь э хов веберде, Бейгьуш Шелбет дарафд э хинике гЛов эн нуькере эри дирэ э север жэгЛ диromориге. ГЛов эн нуькере эдембу эз пой венгесде оdoмире, Бейгьуш Шелбет э гужевоз э сер пой поисде, омо куьнд бисдо э ки север. Бирден бирэхьне занигьой энү э чуьиге раси. У амбар мэхьтел мунд. «И чуьни?» У суьфде гьерчуь дануьсд, э хьисобовоз гЛов берде гуселен. Дес доно э гЛов, сер гуьрд эри фегьем сохде. Э дес эн у диromo бел эн чухо. Дес кеши звер-зофру, мивини лэгЛэй севере одоми гуьрди. Сегьм не лерз омо гье у сэгЛэт э жендек эн у. Иловлеш гьеме торик бу, едоне ношумо небу. Хуышдере дуьл доре у кеши ведировунд эз гЛов батмиш бие одомире, эз хоригьо кешире-кешире оворд но э гьирогь више,

э ён г1этошгегь. Э пушой эн у э сер месогвой эн г1ырогъ чой дураз биребу мегит эн Юсуьф. Е г1эдер вэг1до лол, кар, г1эргъ бире одомире хуно Шелбет пойсд э пушой мегит мэхтел мунде чур сохуге. Песде эз кишд эн у г1эиш не хэнжел эн уре вегуьрде, пэхни сохде, у сер-со-не хуно видовуд рафд э дигь, э бебей Юсуьфигьо не Г1уьзвургул эри мэг1луьм сохде, мегит эн Юсуьфе у эз г1ээд г1ов, эз нуькере офди гуфдире. Оммо эз товун э ю лезги Хьэсен хэбер доревугьо гофе у э екиш мэг1луьм несохд.

Се мегыш некеширебу эз Юсуьф пуч бире эйло, Г1уь-звургуьл шешмеге бордор, э гужг1ой эн Г1ьомуилевоз, э гофгьо мэхэнефигьой эн дусдгьо-шинохг1ой энуревоз мегьр бисдо рафд э Г1ьомуил. Э хуней Г1ьомуил эз деде бисдо Шолум, г1еми. суьфдеи, г1еми песини кук эн Юсуьф.

Шолум хьофд-хьэшд сала биренге, Г1ьомуил ковхой дигь бу. У берд Шолуме э Дербенд, но эри хунде. Пирор г1емини, Шолум э отпуск оморени э дигь, Бейг1уш Шелбет но эри хуьшде ки вэхд сур эн бебей эн угьо, Юсуьф, пуч биреире омори гуфдире э кук эн у, э Шолум, эри очмиш сохде. Белки ю, Шелбет муьрд рафд эз и г1уьлом, у вэхди Шолум нидануь эз дес эн ки муьрдиге бебешу.

Пирор, е руз шохьонгум, лезги Хьэсен э дигь э ки г1эилг1ой дубьд хуьшде Шибетей оморенге, Шелбет огол зе уре э хуней хуьшде, мугу:

— Бие иму, Хьэсен, и г1овуне эз сер иму вегирим, гуйм э Шолум, киниге хунки бебешу,

Лезги Хьэсен рази бисдо. У э хуней Бейг1уш Шелбет дерики, шев Шелбет огол зе диоровунд гимназист Шолуме. Шелбет не Хьэсен дес энуре гуьрде, «хош омори» сохде нушундуьт Шолуме э кишу.

— И шаздагь сали иму э и руз дениширейм,—мугу Бейг1уш Шелбет эз нуминей хуьшде нен лезги Хьэсен.—Имуг1ой туь келе куки, жог1или, дие э иму лоигь нисди и сура эри пэхни сохде.

— Чур сур воисде ишмуре э ме мэг1луьм сохит, — э мэхтелиревоз пуьрси Шолум, денишире э сифет эн Шелбет нен Хьэсен.

— Г1ейсэг1эт мидани, — мугу Шелбет, екем, хомуш бош.

И гофе гуфдире мунде Шелбет рафд сер эн сундуг1э вокурде, вегуьрд эз унжо е дуразе г1эиш салланмере не е фирегье хэнжеле, песде овурде до э Шолум.

— Ги, и г1эиш не и хэнжел эн бебешмуни. — Туь шеш меге г1эилле э шугг1эм дебири, бебешму—Юсуьф куьшде омориго вэг1до. Туь нидани, оммо г1етте э дешму бирмунде и хэнжел не и г1эише, у г1е усэг1эт мидануь. Теимуг1ой дешему не хэлгь г1ерчур дануьсденуьт бебешмуре г1эчэгг1о куьшдет гуфдире. Оммо дург1уни. Уре г1эчэгг1о некуьшдет.

Чумг1ой эн Шолум э мэхтелиревоз денишируьт гоф э сифет эн Шелбет, гоф э сифет эн Хьэсен, ранг эн у зерд бисдо, дуьл ю сер гуьрд эри дэгь-дэггэ хурде. Хэнжеле э дуь десиревоз сэхд гуьрде, у нокумие беде хэбер шиновугьо одомире хуно пуьрси эз угьо:

— Дие ки куьшди бебешмуре?

— Бигил егиле гуюгу эри туь биней эн и коре Хьэсен, — мугу Шелбет бирмунде э энгуьшдевоз э Хьэсен,—песде посуьре ме мугуюм, — гуфдире и гофе нуьшд у сугг1азани зере э пушой Шолум.

Суьфде Хьэсен, песде Бейг1уш Шелбет, г1емере ихдилот сохдут эри Шолум г1озией эн пуч бирей Юсуьфе.

Э вэхд эни ихдилоте сохдеки Шелбет не Хьэсен сифет эн жовон ченд гиле дегис бисдо, гоф ху зере мешенд эз г1эьгьр не хуьрш э сифет эн у, гоф эз сэг1эр хурден дуьл ю, ранг ю хоколуьвере хуно мибисдо, эз битоби дуьл хуьшде динж-сокит нуьшде нидануьсд, нечоггэ хуно ноле мизе.

Лезги Хьэсен не Бейг1уш Шелбет гоф ишуре верасденге, хэйли вэхд эз еки энуг1ош гоф не ведиромо. Песде Шолум бирден э пой вэхуьшде, хэнжеле те нимелит эз г1об ведешенде, шовг1о хурдере хуно гуфди:

— Ме одоми нисдуьм эгенер хун бебешмуре эз хункиг1ой ю неведешендугьме, сер Г1ьомуиле г1ьоргой бисдо э и хэнжелевоз бурра э пойг1ой дедейму неведешендугьме. Г1елелугье бигил и сур э г1эрей г1ерсейму домунугу.

...Бейг1уш Шелбет э менгине шев, э пушой г1этош г1озие-г1эдер эн и коре гуфдире верасденге эри Сосун, бирден эз ёр фурмуш бирере хуно, гуфди:

— Вэхиз дарайм э нуькере, небуге нуьшдейм поисде. Жэг1 амбар дирумориго э север, угьо пара мисохут туре медаравт.

Севере эз г1ов ведировунденки э г1ээд энудембириуьт вежесде кеми е падегь доне жэг1. Э г1ырогъ чой, э сер хуьрде месегьо угьо тигьи сохдут эз север жэг1г1оре.

— Гьеждег жэгИ! — э шориревоз гуфди Сосун шуморде жэгИгоре.

Э Гзрей эн угьо дебу шаздег хуурде не дувружде тара кутумгьо не дув эблэгэ-эблэгэ албадиш. Кими жэгИго, пуыкешу сипре хуурде монетгьой нуыгъреире хуно товш доре, эдембируйт тартапил сохде, дуьме э хори парте-парт зере, э гъугъ сер вежесе, шенденбируйт хуышдере э лой нуькере. Ужире «сокитсуьзе» жэгИгоре Сосун сэхд гурде э чепи десевоз, э расдиревоз вегуурде е месере мизе эз мазалай ю, «динж» «форигъэт» мисохд жэгИэ.

— Те себэхь бире, белки ингъэдейгеш гуьрдим, — мугу Бейгъуш Шелбет э дуьлхуширевоз денишире э жергеревоз э сер хори лос дегешдебируйтгьо жэгИго. — Эзигьо нимей ю, не е албадиш туьре бугу, — мугу эз Сосун, — имугьой, коргой гуьгоьре хуно, эз худо берекет, эз иму хърекет, чимуре хурим, те пушой себэхь тэхьли хов имуре вегирим, себэхь бире кор сохим.

Э гъирогъ нуькере хисиренге Бейгъуш Шелбет гьемеше эз сери хуышде зу хабер бирембу. Оммо имбуруз у эз вэхд зуте хабер бисдо эз сес пой-пой гзсбгьо. Се доне гзэтлугъ дув човуч не ковхой дигъ Гьомуил э кул гзсбгьо вери оморот поисдуьт э зерер сер эн у нен Сосун. Шелбет не Сосун эз хов бирден хэбер бире э мэхътелиревоз денишируйт э угьо. Гьошгьо-гьобогъгьой эн ковхо исэ-гзэт огьу вечеребу мунде. Эз сер-сифет эн у веди буки э дувл эн у чув гъэгрите дери.

Гьомуил эз гзсб нефурагоре, «себэхь э хэйр бу» недоре э е гъэгривоз пурси эз Шелбет.

— Э и хоригьо Рэхьмон веди небиребу?

— НэгИ, — мугу Шелбет, — хэйр, гердо, чьуни гьечи?

— Гъэрез эз кун хориш миофум уре, — э хуьришевоз гуфди Гьомуил — эз ме у амбар пэхьни нибу. Кези ме у куксеге эри бисд сали мифуьрсуьм э Сибирь, э гиден гелмез мифуьрсуьм. Шову тоегьой гендуьм мере э сер хэрмонгьо сукхунди вирихде у. Ме и коре э у нидегуьлугьм.

Песде Гьомуил э хуни-хуниревоз денишире э лой. Сосун мугу келе-келе:

— Туь инжо чув сохде? Диртегьо вэгИдой гуселегьоре э нэхир кура сохди, туь инжо эри жэгИ гурде оморей. Ижиреш гуселовчи жэгИмет бирени?

Гуфдире и гофе, Гьомуил э е зарбевоз е гьирмож зе

эз гзсб, гзсб э дув пой вэхуыше видовусд пушово. Эз песой эн у рафдуьт дув човучиш Рэхьмоне эри гешде.

— Эгеде, сукхунди ире шову-гьо, оммо гене эдее хьов-хьов сохде, — сере жумунде гуфди Шелбет. — Ижире шефде одомире гьовре бэгъэй гьичиш дуз нисоху.

— Ме дануьсденуьм Рэхьмон эйчуь сукхундиге дерзгьой энуре, — гуфди Сосун—Гьомуил э жигей гъэрдгьо вегуурди эри хуышде богъ Рэхьмоне. Рэхьмон дерзгьой энуре эз гъэгр сукхунди.

Бирден э пушой чумгьой эн Сосун омо дигъ ю. Шеви. Сара хунелегьой гилови э торики батмиш бире хисирет. Эз дигъ кимвэгИдо оморени когыле сес эн ховолуье сгьго ве дуразе гьугьлугъ ховолуье хурузгьо эз кергелуьгьо. Э сер чордогьгьой хэрмонгьо эз рузине герми не хэсде гьолоке хуно хисирет хэрмончигьо. Гье и вэхди е сара денуыше одоми, гьуз бире-бире, уре кес не винуь гуфдире омо э гьирогъ рэхь, гиросд э персе тоегьой дерзгьой эн Гьомуил. Сенгъэ чоьмохе э тэгИдиревоз зере у сукхе гьове доно э гзрей хуыше, эз чышме герм мунде дерзгьо, сер гуьрд эри пуф зере. Е-дуь минуьтиш негиросд, гзэтош дегеси, товш сохд сифет, буй-балай эн уре. Уре дирегор гье усэгИэт мидануьсд Рэхьмони гуфдире.

Е-дуь-се минуьтиш некешире, гзэтош луьп зе верафд зеро. Эз товш не эз сес гзэтош хэбер бисдорут келе-чуьклей эн дигъ, ведироморут э сер хэрмонгьо. Товуш эн гзэтош э торики е мьугьлугьуьзе офдоире хуно лов бисдо. Буй гзэтош, эн сукхе жапуьр, дуре—гьеме гьэриш бисдо э еки. Гьомуил серсон бире, сифет ю гуне доре, рушгьою жуьх гурде, бутгьозгьою эз хьэрой сохде тасире эдее видовусде э ило э уло, десгьоре вежегуьнде, хьэрой сохд-сохде э пушой хэрмонгьо, оммо эз гзрей жевгъ, сесе-сес эн кура бире хэлгъ, зен-зоре нен шихьней эн терсире гзсбгьо екиш гоф энуре нисе шувусде.

Омбордеки дигьонигьо эз дуьли шор бируйт эдее сукхе гуфдире дерзгьой Гьомуил: «Говун э хэлгъ сохде гужгьо имугьой эдее евош-евош ведироморе эз Гьомуил», — мугуфдируйт угьо. Эз елойге угьо терсирембируйт ле-пуьр гзэтош э сер эн тоегьой дерзгьой хэлгъ не хьэетгьо-божогьо негироруге, Хэрмон эн Гьомуил лап э эхир дигъ, — мугуфдируйт угьо. Эз ено богьго бу. Кулокиш э лой зерер бу, э тараф богьго, вишегьо. Гзэтош, дерзгьой Гьомуиле сукхундгьо е доне зарали незе э мол, хэрмон, хуне-жигей эн дигьонигьо.

ДОВГІО

...1916-муын сал бу. Хэшд сал гирошдебү эз Сосун сүфдн гиле чубуггэ веуурде э гуселовчин рафдебугго вэглдо. Имуггой у келе кук, бисд ек сала жогыл бу, бе-бешуре хуно гьундур, екулуд, жонлуд. Э гээд эн и хьшд сал амбаре дегишигго биребу: гІэйлгго э жовонгго чаруьсдебируьт. Э рушггой жогыиле мердгго сипий офдоребируьт, ченд одомигго э дигь муьрде рафдебируьт, ченд гІэйлгго э деде бирет, ченд гІэруьсигго бирет. Оммо эз шори-ники дерд-дуьлесди эн хэлгь амбарте бу э и хьшд сал. Э сер эн и дердгго гуж эн довгІош верафд э базуй эн хэлгь. И се сал бу довгІо сер гуьрде. Эз амбаре хунегго: эн кимигго шувьер, эн кимигго бебе, бирор, гьунши, дусд рафдебү э довгІо. Э гээд эн и се сал эз товун кимигго хэбер омореву э сер кифлетггошу, муьрди гуфдире «...э игидиревоз эз хотур дин, падшог неваган», («за веру, царя и отечество»), эз кимиггойге хэбер омореву э плен офдори гуфдире. Эйчуи и довгІо, ки взуху-зунди и коре, кире гереки и? Екиш е жуьгоб доре нисе дануьсдембу. Хэлгь дануьсдембугго и бу: эз гІуьлом бине норе овори э гІэрей падшогго гьемише довгІо бири, гьейсэглэтиш гьечу. Хэлгь эн дигь Муьшгур данусдеш нисе дануьсдембируьт э коминжой гІуьлом дериге тэхд падшоги не падшог Уриснет Николай II-ве эн падшог Германия Вилгелм II. Кимигго эз муьшгиригго гуфдирембируьт: Николай не падшог Германия э зенгшошуревоз э еки нуьшде хурдеки, пиенискее чум шура падшог Германия э гІэйбине жигей зен Николай дес зери. И номусе ггобул несохе генерал эн Николай взухушди е силле зере эз падшог Германия. И коре диренге генерал эн падшог Германия сер гуврди эри величире э генерал Николаевоз. Гьечи генерал э генерал офдоре, песе салдат э салдатевоз, довгІо омори бире.

Дигьбониггой Муьшгур де хэбергойгеш гуфдирембируьт эз товун довгІо, оммо у хэберггош эз и хэбер хубте небу. Гьэрэз хэлгь нисе дануьсдембу себеб довгІо эри чь биреге.

Сер понзи бу. Э дорго кем-биш хэзон офдоребу, чышме э гьово унгэде герм нисе дорембу. Сосун э фургун эн Гьомуилевоз эдембу рафде эри эз хирггой Гьомуил дурунде дерзгвой чолтук энуре овурде. Э ён рэхь

мошин оворе расиренки Сосун мивини е салдат, сер тен ю гьеме чьтам герек гьисдиге э салдати вокурде, э песой кемер ю шилин беседе, э сер шилин-кателок, э синей ю эз лент е чуккле хоч нуьгтьрей дуллуни. У фурггуне диренге поьсл.

— Сосун! — мугу салдат хэндуйсде-хэндуйсде.

Сосун поюнд гІэсбгьоре дениси э салдат. Сес эн у эн шинохе одомире хуно омо эри Сосун, оммо э сифет дирэ одомире хуно небу. Салдате е чум невебу. Эн соггэ чум юш, мижегьогоу гьырмизи, чаруьсдере хуно бу. Э сер пушони нен чуней эн у е дуразе дэгьме, жиге яра бу. Чепи лунг эн салдатиш чулох бу.

Салдат диренге ки Сосун юре нисе шинохе, бишерк бире сифет эн у гьуж биромо, гирисденире хуно бисдо.

— Туь мере нисе шинохе? — дуьл хуврд бирере хуно пуьрси у эз Сосун.

— Огь, лелей Рэхьмон! — вэхуьшде гьеебо эз жигей хуьшде гуфди Сосун. У шенд хуьшдере эз сер фурггун омо гьэл гуьрд Рэхьмоне.

— Бие венуьш ёбо э гІэребе беруьм туьре э дигь, э жегьендем Гьомуилиш, дерзгьогоуш,—мугу Сосун, вожей гІэсбгьоре гуьрде, чарунде гІэребере посово.

Угго э гІэребе венуьшденки, Рэхьмон шори-шори денисири э Сосун, гуфди:

— Туь, худо мобуро, келе жогыл бирей, туьре дируьмки гье у жогыиле вэглдогвой фэгьире бебешму омо э ёрме. Хэгьрейтуь, чьттами?

— Истир? Келе духдери. Зери ведироморе. Е рач, е келегеди сохе эз хэгьер хуьшде гуфди Сосун. Хунейггошмуш, гІэйлггош гьеме согь саламати. Меш эдее кор сохленуьм э фэхьлеети эри Гьомуил.

Сосун дануьсденбу, Рэхьмон эз сербот эн Гьомуил ченд сал, те довгІо сер гуьрде, э гьэземет нуьшдебугьоре. Гье эз гьэземет дореву уре э довгІо фуьрсоре.

— У сег имуггонш зуьндеи? — мугу Рэхьмон.

— Деш гІошир бири, — мугу Сосун, — э сер молгьохориггой хуьшде э дигь е келе тукуш вокурди. Э тукуй эн и парче вери, сэгІбу, шекер, нефт. Егьимети чире э се гьимет эдее фурухде. Чорей хэлгь нисди, эз хуьшде, эз лэглэй гІэйлггой хуьшде буррани, восдорени эз дес ю вероморе, гереки е чире. Дие эз же восдону? Уре э нимей

дигиш гээрд, мэгмеле тэхуул, пул вери. Хьол хэлгэ эз пушотейнеш зобу бири.

— Шолум эжи?

— Шолум э Сибири. Униге, Эсеф кук ковхо э тукуш алвари сохдени, э бешешу э коргьой чули кумеки сохдени.

Е-дуь минут угьо сeregуэз, гоф несохде поисдуьт.

— Зурбое гужь вери э хэлгэ, — мугу Рэхьмон ох кешире, — э ченд жигегьо бирем: э Урснет, Польша, э Латвия, Литва, э догьгьой Закарпатье. Э гьеме жиге Глоширгьо, чуй Гьомулигьо эдете хурденуьт хээз дирэ, косибкусуб э муьрс-сэгIэр дери. Э фронт салдатгьо эз довго, не эз падшогь визорувт. Э гьэд салдатгьо тиф, гужоморе ве де гIэзоргьойге пурт. Салдат имуре бегьеме ерэгьт нисди. Немце бул-булинде пулеметгьон. Эн иму ченгьэде, ченд миллион э плен офдори, чендигьойге мере хуно яралуьт шувкесд бирет. Хэлгэ Урснет, илогьки салдатгьо э фронт эз дес падшогь, генералгьой ю нен Глоширгьо те бине бугьоз вероморет. Угьо гуфдиренигьо и довгооре Глоширгьой эн Урснет нен Германия сохдет эз дес еки хоригьо, муьлгьошу э зенгьо, ошнегьошуревоз эдете кеф сохденуьт, э пушой гIэжел косиб-кусубе фуьрсоренуьт.

— И хоч чубни, лелей Рэхьмон, э синейтуь вери? — пурси Сосун.

— И хоч мере хувьшдени падшогь Николай дори, у э лазарет оморенге нечогьгьоре эри сер кешире, — мугу Рэхьмон — лове э хэнде веберде. — Ире «Георгиевский крест» гуфдире.

— Гьери, гьери, гу лелей Рэхьмон, — мугу Сосун, мэхьтелире хуно бире, вожей гIэсбгьоре сэхдте гуьрде, угьо евош-евош буравут гуфдире.

— Эз и се мегь пушо ме э лазарет дегешденки, — мугу Рэхьмон — бирден келегьой лазарет иму сере-вир бире одомигьоре хуно э духдиргьо, сестрагьоревоз сер гуьрдуйт эз и палат э у палат эри геште. Руй хьэловигьо, руй болушгьоймуре дегич сохдут, темизе эдиолгьо, деспокугьо дорут имуре, хоригьо, пенжерегьоре шушдуьт. Эз и коргьо салдатгьо—яралуьгьо верасируьт ки, эхисобовоз е келе одоми эдее оmore лазарете эри дире. Е солдат, Иван, э киме дегешдембугьо, чум зере мугу: «Эхисобовоз комиссия эдее оmore, имбуруз имуре хубе чиш мидуь гьеркире е стопка эргьыш».

Егилейге начальник эн лазарет, е гьолине гьирмизине мерд, келе шугьэм, нефес ю гуьрде, гуфди келе-келе

эз иму: «братцы! Его Величество, падшогь Николай Александрович эдее оmore э ишму эри сер кешире. И эри гьемейму келе гуьзет, келе шорини».

И гофе шиновусде мунде зэхьлейме рафд, гуюм бурам гIэззи э туь, ме гьечуь дануьсдембирум раз Николай падшоги, у бие эз жендек е гIэзроиле одоми бу, бигьбурен, эз чумгьой ю огьу не гIэшто рихденигьо одоми, э тен ю гьирмизине парталгьо, э иловлей ю—гIэзроиле жоллогьо, бирахьне шимшигьо э дес ишу дери...

Иму гьемееки вэхуьшдим эз хьэлов, караватгьоймуре вечерим, дуз сохдим. Ебойге миденуьшумь мивинуьм э пушо е сара мерд дери, ковре фирегье лент эврүшыми э синей ю, кутэхьэ, гьэйчи гуьрде зерде рушгьо, бигьгьо, чукьке ковре чумгьо. Э песой эн у е десде гьолинде генералгьо, диromo э палата.

Начальник лазарет эз десде жире бире э яралуьгьо денишире, деш гьирмизи бире келе-келе гуфди: «Его императорское величество царь Николай Александрович!» Яралуьгьо—солдатгьо «ура» дешендуьт.

Падшогь — саре мердле, кутэхьэ рушгьо эз ки эн и нечогь эки энү нечогьгьиге оmore, мугуфди: «эз товун жуьргIэтлүе гьулуьгьтүе ватане бэхш доренуьм туьре «Георгиевский крест». У гофе гуфдире мунде гье у сэгIэт е жогьиле рече генерал куьнд бире моно э синей эн нечогь хоче. Песде падшогь э одомигьой хувьшдеревоз куьнд бисдо эз меш. Эз сер те ве пойме денишире пуьрси;

— Туь кини?

— Рядовой Нахцунов Рахьмон, Ваше величество, — гуфдируьм меш и солдатгьойгере хуно.

— Чуйжоини?

— Муьшгьури, — Ваш-ше Величество!..

— Чуйжой, чуйжой? — зерде гьошгьой хувьшдере зеро э мэхьтелиревоз вешенде гуфди падшогь.

Гье и туьтем начальник госпитал эрэгьт шишире юре, чугьундуре хуно гьирмизи бире, омо фис зере-зере мара хуно, э биней гушме мугу евош-евош: «Дурак, осел, свинья», «еГни—бэхьэм, ээр-хуг, эз же дануьсде падшоги и буй гуьрде Муьшгьурту э коми сула-дерей жегьендем дериге, гу эз Кавказуьм, шиновусди?»

Падшогь поисди, денишири э жуьгоб ме. Зэхьлей ме рафд, мугум э дуьл ме, хунейме вечеруьсд, падшогь эз жуьгоб ме хьээ неомо, гьейсэгIэт мере дусдогь мисохут.

Дие зугьунме лол бисдо, эз хьэлезигери жун ме, эз лэ-гъэй ме е гофиш ведешенде недануьсдум.

У вэхди э жигейме жугьоб до начальник лазарет, лове э мэхъэнефие хэнде веберде: Ваше императорское величество, — мугу у, — бэхшлемниш сохит, эн нечогъ рядовой Нахшунов эз шори ишмуре дирей зугьун ю гурьди, у эз хоригьой Кавкази.

Падшогъ хэндуьсд денишире э сифет ме, гуфди эз меш: «эз товун жуьргъэтуьле гьуллугътуь ватане бэхш доренуьм туьре орден «Георгиевский крест...» Жогъвиле генерал гье у сэгъэт омо дезе уре э синей ме. Песде гьеме нечогъгоре, поисде э минжи палатай иму, омборекбу сохд, нифри сохд большевикьгоре, гуфди э иму, егъни, э гофгъой энугъо э вор неверайм, довго сохим теверсер, те дуьшмегъой отечестворе, егъни бесгъун доре.

Гье и момент эн гоф сохден Николай е тасире хьэрой ведиромо эз бугъго эн яралуь ефрейтор Русаков гуфди-рениго. Е луьнг эн Русаков невебу, юш контуженный бу, припадкагъо бирембу уре. Гье и «лезетлуь» жигей эн речь падшогъ бирден у делуре хуно хьэрой сохд: «долой царя! Долой войну!» Егъни имуре падшогъ нисе воисде, довго нисе воисде, «хори дит имуре!»

Падшогъ гоф хуьшдере бурри, хуни-хуни дениши э лой Русаков. Генералго, нечельник лазаретиш ранг дорут ранг водорут. «Веке бэхше эз синей эн у, у нис верзире э и бэхш! — мугу падшогъ.

Гье у сэгъэт е ченд офицер куьнд бисдо эз Русаков. Те угъо хоче векенде, Русаков векенд хоче, эз синей хуьшде, шенд э хори, «вегирит, вегирит, хунхургъо», — гуфдире, припадке бисдо офдо гье усэгъэт.

Падшогъ гоф хуьшдере э нимелит бурра, песово чаруьсде, гьэгъри-гъоси ведарафд эз лазарет.

— Зурбои, — мугу Сосун. — Эз коргъо веде бирени хэлгъ веромори те бинебугъоз, эгенер угъо гьечи э руй падшогъ пойсденуьтге.

— Небуге чуви, — мугу Рэхъмон, — веги виниш мере. Эзило ковхо хунеймере вечарунди, богъмере вегуьрди, э дусдогъи нишунди, эзилгойе падшогъ нимей жунмере ведешенде, мен небилим «за веру, царя и Отечество». Э жигей вегуьрде богъме, кур бире чумме, шуькесд бире луьнгме, мере игъо е хоч нуьгърей дори. Ире имугъой, э гуфдирей падшогъовоз, ме тенбирэхъне, шуьгъэм гисне бие венуьм э синейме, гердуьм э кучегъо, шори сохум,

коргъой гуюгъоре хуно: «Эвинде юхду бир кило дору, попохи гьуюбту гьемиден юхору». Эжун бебей падшогъ!

Эз гофгъой эн Рэхъмон Сосуне хэнде гурьд.

— Валлагъ, и ченд жире гъозиегъо, гезирегъо э сертуь омори, лелей Рэхъмон, гене туь зарифатчи мундей. Туьре хубе дуьл дери. Тпр-р-р, — мугу Сосун, вожегъой гъэсб-гъоре кешире, гъэребере поюнде, э ён богъгъо, э гъирогъ дигъ. — Туь пой инжо, лелей Рэхъмон, ме бурам зантуьре бошорей дуьм, гьечу хубтеи, мушдуьлугъиш восденум эрме.

Э и гофовоз у вожегъой гъэсбе э дес Рэхъмон доре, шенд хуьшдере эз сер гъэребе, видовусд э хуней Рэхъмон.

VIII СЕРНЕ

МУЪГЪВЕТ

Имугъой е гъэдер вэгъдо бу, Сосун эз дес хэгъер хуьшде э думит, э дуьлесди домундебу. Истир хэгъер эн у, неденишире э етимигъо, четнигъо келе бирен, лап рац бу. Уре вебу дуразе сие муйгъо, сие чумгъо, расире шевелуьй вишеире хуно, чукъле вини, гьуйндуьре сине, хубе буй бала. Жогъылгъой дигъ эдембу муьрде эри эню. Рачи эн у дуьл эн гьемере гуйге яралуь сохдебу. Еки эз и ошугъ бирогоргъэс э Истир бу, кук эн ковхо, Эсеф, Ковхоре воисдембу эри кук хуьшде духдер раби Нохъуме хогъу. Эн суьфде эз хотур эн у кор, ки духдер раби е теклей бебе деди, у рачиш нисдиге, рабире молгъо хоригъои, богъгъои. Угъо келе мердгъо-келе венгъо муьрдуьтге, гьемей эни девлет мумуну эри кук ю, ве дуьвимуьнжи духдер раби э вегирлуье нум ю гъошири ю лоигъи. Оммо Эсеф муьрдере э герде вегуьрдембу, духдер рабире хосдере э герде нисе вегуьрдембу.

— Ме эрме моле, богъэ э зени нисе хосденуьм, духдере эдее хосденуьм, — э руй бешу поисде мугуфди Эсеф. — Эгенер ишму эри ме хэгъер Сосуне хосдере э герде нисе вегуьрденитме, ме де зейге гъич нигогъум.

Эзилгойе ковхо Гъоуиулиш э и коревоз домундебу э дуьлесди. Ковхо гъошириш буге, оммо уре э гофгъой юревоз, эз кифлет, не эз гъил мозол небу. У песнини вэгъдо э дуьл хуьшде дердгъой хуьшдере вогорш амбар сохдембу. Зен ю, Гъуьзуьргуьл и бисденжэ сали эдее зигъисде э юревоз, тегъиетет гъич эри ю гъош-гъобогъ эн у

очмиш нисди. Эз ю, эз ковхо, Гъуэуэргуэле имогъой келе жогъиле куки, у бебей гӀэил юни, гъечи бирекиш эз зен хуыште эз Гъуэуэргуэл е дуылшори, е дуылшоши, ние диренбу Гъомуил. Тегъиамет гъош-гъобогъ эн у дегурде руз поизире хуно вечиребу. Гъич эз ижире хосиетгъо-демгъой эн и зе рачигъой Гъуэуэргуэлиш э чум эн ковхо небу. Зен ю гъечи рач бирей, оммо эри ю дулсухуни несохдеи, амбар догъ дорембу ковхоре. Амбар-амбарыш, э хурдеки, э нуышкеди, э дегешдеки, Гъуэуэргуэл ох кешире, мугуфди: «сер ю бурра биево, Юсуфье э у зулумовоз ки куышдиге». Неденишире э хубигъо, хошигъо, бэхшгъой эн Гъомуил, дуыл эн у эри Гъомуил гъемише хиник бу. Иллогъки эз кук Гъуэуэргуэле Шолуме э Сибирь фуьрсоре эйло, э Гъуэуэргуэлевоз гъич нуышке гоф сохдеш э тегъер одомнети нисе бирембу. Келеи зен Гъомуил, Сибо, Гъомуил, э сер ю зе оурди гуфдире, эз Гъомуил не эз Гъуэуэргуэл гъе вечиребу, гъэгъри бу. Гъомуил эри хуыште норебу, ки угее кук хуышдере, Шолуме берде эри хунде э гӀэрей вегиръуе кукгъой гӀоширгъой Дербент ноге эз и кор эн у Гъуэуэргуэл эз у лап рази мибу, дуыл ю эри Гъомуил могорду. Оммо Шолум э жигей те эхир хунде верасде, сер гуьрд гӀоширгъо-падшогъоре эри хурд сохде, косиб-кусебу э угъо хъэлово сохде, юреш эхир до фуьрсо э Сибирь.

Гъомуиле имид бугъо, шори не войгей дуыл ю е теке кук ю бу, Эсеф, имугъой уш э руй ю поисди, гуфдирей юре нисе сохде.

Ежирейе бу думутгъо ве хъэлгъой эн Сосун. Уре гъич э хъэлгъой эн уш небу ю гъэбиле мибу гуфдире э Гъомуилевоз. Гъомуил гӀошире одомиш, оммо ю не хэгъер ю—етимгъо. Хэр не гӀэсб э е гӀэребе ниугъруу. У эвелимуьн Истире эри кук хуыште хосде нигъилуь. Ве дувимуьн Сосун дануьсдембу, ковхоре воисдени э гуж хушевоз бираче духдер рабире хогуэ эри кук хуыште, э хотур нум не мол эн бебешу. Эз ёр Сосун гъич нисе рафдембу и перигъо биригъо хуьужет, женг Гъомуил э юревоз. Гъомуил дануьсденге ки, кук ю э Истир, Истир э кук ю ошугъ бири гуфдире, ковхоре жин гуьрде, гуфдиребу эз Сосун:

— Туь вожей хэгъертуьре екем сэхдте ги. И чъь кори у дегегъой хэлгъэ эз сер ведешенде э хуыште ошугъ сохдени.

Сосуниш хурди хэгъер хуышдере невегуьрде, ГӀоси бире, гуфди эз ковхо:

— Туьре гӀэйб ние оmore, келе мерд, руш сипи, ижире лоигъсуьзе гофгъо гуфдирени. Э товней кук туь гуфдирениге, э жегъендем туьш, кук туьш. Иму косибниш гъисдимге—номус имуре иму нехурдейм!..

— Угъреш, — гъирмизи бире хуьурш кенд омо э сер Сосун Гъомуил—Туь мивини ме э сер туь чъь миёрумге!

Имбуруз э хэгъер хуышдеревоз э гоф сохдеки, Сосун эдембу гуфдире эз Истир, у ведекинуь гуфдире эз дуыл хуыште кук Гъомуиле, ки эри эн, Истир, е хубе геде, эз косибе хуне, чъьн той ю гъемише офд миев гуфдире, ки у э Эсеф рафдге эз сере Гъомуил уре руз дире, чум вокурде нигъилуь.

Истир бирор хуышдере эз жун хуышдеш зиед хосдембу. У дануьсдембу и ченд салгъо Сосун эри эн у э жигей бебеш бири эн дедениш, у ники, дуылдинжи, дуылхоши хэгъер хуышдере хосде, оммо ю чъь соху дуыл ю де эз Эсефе зиедте кесе нисе хосде, у э дуыл хуыште вереморе нисе дануьсде.

Эз коргъо, ихдилотгъо веде буки, угъо, Истир не Эсеф э ки сэхд бенд бирет, угъоре эз еки жейле сохде нибу. Муьгъбет энугъо гъечи сэхд бире бэгъдо герекими ижире хъэрекети эри сохде, жейле сохде угъоре эз еки, дарафде э гӀовун энугъо? Уре гъисдиго э хэгъери, нигъил бурав э у одоми, дуыл ю кире хосдеге, саламат, мозолуь бу э хуне-жигей хуыште, — эдембу фикир сохде Сосун.

— Ме дестуьре нисе гуьрденуьм, хэгъер, — мугу Сосун, — эгенер туь Эсефе лап эз дуьли хосдениге, Эсефиш туьре, Гъомуил э гӀэрешму гъэриш бире нидануь, токи ишму э еки хуб бошит.

— Эз иму дуыл туь динж бугу, гӀэззи,—мугу Истир, ме не Эсефе эз еки дуьлдомундеи, дуыл хурди гъич нибу.

Гъомуилиш диренге ки кук ю э рай нисе оmore, и «Меджнуьн не Лейли соймиш бирере хуно», э хэгъер Сосун ошугъ бири, чорей ю небире гуфди эз кук хуыште:

— Эгенер туь уре эз дуьли хосдениге ме э гъэршуму ведироморе нидануьм, ме хуышденме гъе имишев мидаграм мигогъум духдере. Хубе, раче, хъэменде духдер эз пульго-могъо зиеди. Эриме и гӀэруьс мобеу, и гӀэрусиге бугу, токи ишму э еки хуб бошит, хэлэфме.

Гъэгъигъэтиш пире Гъомуил дие кор «шори-никире» эглен несохде, вегуьрде э хуышдеревоз момуй Эвшэгъэ рафд э хуней эн Сосуниго Истире эри хосде, ю э десдин

дес хушдерево, амбаракбу-ники сохде, доно энгуышдери-
пире э энгуышд Истир.

— Ме эз имбурузевоз бебейтууым, хэлефме, — мугу
у эз шори не глэйб гуне доре, сере дуллу сохдебугьо
Истир. — Амбаракбу ники бу, тевесер зигшоит э еки,
сэхый кук-духдер гердошат.

Эз шори глэрусы хушде гуйге ковхо Гьомуиле жиге
небу. «Сег домой дер одомиш бие рач бу, — мугудги
Гьомуил шори сохде, — эн ме глэрусьме гьеми рачи,
бикере хуно, гьеми эгьуылменд, хьэеменди». Эз домор
не эз глэрусьниш у эдембу тэгиди сохде глэрусьи зу, эри
нушунде.

— Ме келе мердуым, белки имбуруз офдорум себэхь
муьрд, — мугу у эз кук хушде, — мере воисдени ники-
туьре э чуммеревоз винуум, невеймере э гьужогь веги-
руым. Уне гуре ме глэрусье дуй оринеш э хуне нидегь-
луым.

„Е ШЕВЛЕ МИГЬМУН ДЕДЕЙ“

Минжи поиз бу. Гендуьмгьо эз зими, хэмзегьо-гьэр-
пузгьо эз бисдугьо, онгургьо эз боггьо вечире оморебу.
Э хуьмгьо шороб, э чолгьо гендуьм, э кендугьо тозе глорд-
гьо дерие вэгидо бу. Доргьо, кулегьо э зерде-гьирмизине
веллгьоревоз вераисдебируьт э иловлей дигь.

Е руз себэхьмунде зу-сери гьовол-зурновчигьо гьо-
вол-зурнов зере-зере дироморут э дигь. Э серине эвир
себэхьмундеи, э чор киномуьрд эн дигь е сер те боггьо-
вишегьо лов бисдорут сесгьой гьовол-зурнов. Гьеме келе-
чуйклей дигь ведироморут э шориревоз э пушой гьовол-
зурновчигьо. Глэрусьи эн Эсеф не Истир сер гуьрде омо.

Бирордоморгьой эн Эсеф э пушой хьэьт эн Гьомуил
хорире е рач дуз сохде, суьмер шенде э сер ю хубе мейду
сохдуйт эри вежегьисдей хэлгь. Хэлгь, иллогьки зен-зоре,
жем-жогьил, глэрусь-духдер иловлей мейдуре ведабура,
те кеф ишу хосде межегьисдуйт, «шолохо», «хэйтогьи»,
«терекеме». Э иловлей хьэьт, э сер глэтош веноре оморе-
бируьт келе гьэжгьугьой глэрусьи, лов сохде э гьемей
мэхьале хушбуйлуье буй егьни глэрусьире. Кейвонигьо
тозе келегьизигьой бэхш глэрусьи э сер дери, кемчегьо э
дес дери, эдембируьт чалашмиш сохде э иловлей гьэж-
гьугьой глэрусьи.

Гьовол-зурнов миёде куфде оморе, чуйтар глэдот
гьисдиге, се руз, се шев. Шевинш хэлгь те ишуре воисде
вежегьуйт гуфдире, фегьмлуье бирордоморгьой эн Эсеф,
чироггьой мазутире дегесунде, венорёбу э хьэьт э сер
хьэьчегьо, хуб товурш бу гуфдире.

Шори-глэрусьи э хуней Сосунинш дебу. Инжо солдат
Рэхьмон, «Георгиевский кресте» э синей хушде веноре,
э глэвет эн глэрусьи, эдембу зурнов зере э шинох хуш-
дерево—гьоволчи Наградтневоз, гуншини-мэхьале, дус-
шинох эн Сосуне, не хэьбергиллигьой, сэгьдуйшгьой Исти-
ре муьшул сохде. Лезги Хьэсэн, дуд хуней энугьо, хэ-
бер расиренге э ю, эри Истир глэрусьини гуфдире, дуй
гусбенде э пушо дешенде оморебу э глэрусьи. Эз и вэхд
те и вэхд, Рэхьмон зурнове эз лэггэ ведешенде э у раче ке-
ле сес хушдерево мухунд мэгьни «кесме шубкесте», «чул-
леме кереми», «овшори», «дубеит», «согогь».

Кимвэгидо кук э духдерево э мейду дерики, Рэхьмон
е теке чум хушдере буйх сохде, сере жумунде, миде-
шиновунд э кук мэгьни хуну гуфдире. Эгенер кук мэгьни
хунде нидануьсде, Рэхьмон ю мухунд э жигей жогьил.

Э дуймуьн руз сэгьдуйшгьо, чуйтар глэдот гьисдиге
глэрусье геймиш сохде бердуйт э боггьо, э сер гьоврегьо,
э куьнде вишегьо «хьэьротни дуйл хушдере вегируь гуф-
дире» эз боггьо-вишегьо, пушой эз ихдиэри духдери
хушде ведерафде э ихдиэри шувьвер дироморе.

Сеймуьн руз, сэгьдуйшгьо тефте вегуьрде, э иловлей
глэрусьи зере вежегьисде эдембируьт хунде куьгьне, эз и
ченд девргьо эз лэггэ э лэггэ гирошде мэгьнире.

Е шевле мигьмун дедей,
Е рузле мигьмун дедей,
Гьоболегьой дедей шушдени мунди,
Е шевле мигьмун дедей,
Е рузле мигьмун дедей...

Сэгьдуйшгьо эз глэрусьи «дес кенде» «хьэьлове» бире-
нуйт э бирордоморгьо;

«Огьлерем... богьлерем,
Донил кими бир игьиди,
Овхур уьсде богьлерем».

Эгези, эгези
Гезун Гьомуил дегеси,
Эфдлин, эфдлин,
Пожей Гьувьуьргуйл нефгьини...

Руз пишнен биренге, доморе э е глэребе э бирор доморгой хушдеревоз, глэрусье э е глэребейге э сэгьдушгоровоз веньушувьнде берденуэт э нуькере, пушой мегер бире, э зир чодур дерафде, тен ишуре эри шушде. Эз песьсой энугю е си-чуыл одомиге, кимигь э сер глэребе, кимигь э кул глэсб, э хушдеревоз вегуврде гьовол-зурновчигьоре, пура чорокегьой шоробе, буьскгьой кобобе рафденуэт э сесгьой шори, мэгни хунде, зурнов-гьовол зеревоз.

Эз нуькере вогоще бэгьдо, шохьонгум, бирордоморгой гьул доморе гурде, жэгмет э песою, э зере вежегьисдеревоз, оморут э хуней глэрусь. Сосун э жигей бебе-дедей эн глэрусь ведиромо, моч сохд пушони доморе, доно е эршефи э гьултугь ю. Э и възди сэгьдушгьой глэрусье вераюнде, э сифет ю чодур кеширебируэт, имогьой угьо еки-еки, чуьтам глэдоти гьисдигьоре хуно, эдембуруэт хьэллобен хосде.

Сосун и ченд руз глэрусьи дуьл ю догьуногьэ хуно бу. У хэгьер хушдере лап амбар хосдембу. Уре э руй эн и гьулгом эз е теке мигьровуние хэгьер зьидте кес небу. Сер ебо у эз кор оmore хуте биребу хэгьер хушдере лов хэнде, руй хэнде дире э хуне. Уре диренге Сосун етими, тэхьной хушдереш фурмуш сохдембу. Имугьой чуьтам мибу зиндегуни энэ э хуней эн хуьсуур, эн Гьомуил, э шуьвер рафден э хуней Гьомуил мозол миёру эри хэгьер эн у, небуге бедбэхди? — эдембу думитгьо сохде у.

Пушой глэрусье эз хуне ведебере сэгьдушгьой огол зерут Сосуне э глэрусьевоз эри хьэллолбон хосде. У дануьсдембу и минуте у миесде эз сер сохде. Оммо неделнишире э и кор уре гьетте духдергьо огол зере, занигьой эн у, гуйге бесде омоге, зугьун ю кут бисдо э лэгьэй ю домундге. Уре вондембу пушой рэхь сохде амбаре гофгьо, воегьо, несиглэтьгьо гую эри энэ; гую, «э шуьвер туь гьемшире узьигь бош, хьуьрмет келетегьоре ги, э гьунши-мэхьэлеревоз эзинбэгьдойгеш хуб бош, э косиб-кусуб рэхьм бер, эзугь бер, дуьл тенги мосох...», оммо э жигей эн и гофгьоре гуфдире, Сосун хэгьер хушдере гьэл гурде мунде глэйллере хуно, дуборе етим мундере хуно, зар доно гирид. Э бирор хушде денишире Истириш дуьл ю лап гурун бире гирид э уревоз.

— Жон э жигей бебеш эн делеш э пушой чумгьойме нушу доре е тэхьное теке глэвизе бирорлейме, — мугу Истир, сер хушдере э сер синей бирор воноре — эз ме

кешире инжимшигьоре э ме бэхшлемиш сох. Чуьтам мибоши туь инжо месуьз?..

— Эй, эжи, глэрусье гурдет гьишде, дит глэрусь имуре берим, — хьэрой дешенд эз буру е келе сипре рушгьо.

Гьул глэрусье гурде сэгьдушгьой ведировундугь. Глэрусье э буру ведироморемунде, эз шороб не эз шори глэрусьи пиён бире одомигьо «гьура» дешендуэт, кимигьо эз туьсфнгьо гунле шендуэт э гьовон, чорекегьой шороб эз буьскгьой кобобиревоз гешдуэт эз дес э дес.

Песде гьовол-зурновчигьо могьбуллуье гьовой глэрусье берденигьо «Дедей вой, глэрусье берд», зер-зере э жэгметевоз бердуэт глэрусье.

Э хьэбет Гьомуил глэрусье дироморенге, Гьомуил гьовой ю е кем сорхуш, эз сер те вепой э тозе парталгьо геймиш, шори-шори омо э ки глэрусье, вокоши дугьгуре эз сифет ю, моч сохд эз пушони глэрусье хуьшде, гьул глэрусье гурдегоруре гьеркире е эршефи суьрхиш до.

— Гьо, мейдуре фирегь сохит, — мугу келе-келе серпон э глэрей жэгмет дироморе, мейдуре фирегь сохде. Зерегорго зеруэт вежегьисденигьо гьоворе. Гьомуил гьул глэрусье гурде деберд уре э минжи мейду эри вежесде.

— Гьо, гьо, чек, чек! — гуфдире серпои черх хурд э иловлей хэлгь. Гьемей хэлгь дуб э хьэвес екиревоз сер гуьрдуэт эри чек зере.

«Ой шомош», «ой шомош» гуфдире сер гуьрдуэт э дуб дес глэрусье эри шомош доноре. Гьомуил ведешенде лов сохде е тозе сад монетире э сирот падшогьовоз доно э дес глэрусье, песде у эз гьул гурде диловунд эри вежегьисде э глэрусьевоз Гьуьзуьргуьл зен хушдере. Эз Гьуьзуьргуьл бэгьдо э глэрусьевоз вежесдуэт бирордоморгьо, сэгьдушгьой глэрусье, куньде бирор-хэгьер эн Гьомуил.

— Вессит, глэйллере хэсде сохдит, — мугу Гьомуил, гьул глэрусье гурде эз мейду ведебере.

Глэрусье эз дер диловунденки, Гьуьзуьргуьл не момуй Эвшэгь э бишбогь нэгьбеки глэсел декуьрде овордуэт. Энгуьшдгьой глэрусье дезеруэт э глэсел, песде глэселе лесгьой глэрусье э бун дивор зере гуфдируэт:

— Глэселе хуно ширин гердо зиндегунитуь э и хуне. Э пойтуревоз, хэлэфме, мозол-девлет биёво э и хуне.

„ОШГУНЕВЕЕ ГЪВОЛ-ЗУРНОВ“

Сосун глэрүсэ э рэхь декуьрденте вогошд дирома э хуне. Дусдгьой энү: лезги Хьэсен, Рэхьмон е чуми, Бейгьуш Шелбет ве угьониге, гьовошу серхуш, дес Сосуне гуврде согъбоши гүфдире, дуьл-жэгИмие гофго гүфдире эри энү рафдуьт гьер мерд э хунегьо-жигегьошу.

Сосун э гьэд эн и ченд руз эз нехисиреигьо, дуьлпесогьо, хьэрекетигьой эн глэрүси лап вомундебу. Оммо у недегешд эри хисире. Чум энү чумерэхьуй эн бирордоморгьо дебу. Угьо э гьовол-зурневоз, бейдогъ э дес гуврлере хуно, миесде оmore чодур эн духдери глэрүсэ э дес дери, бэхш хуьшдере берде эз сэхьиб глэрүсэ.

Сосун э куьнж хуне хьозур сохде гьишдебу е бедире шоробиш не е келе куьшде гьозиш эри бирордоморгьо.

У э иловлей хуне дениширенте эри эн у гурунд оmoreмбу у тэхьно мунди гүфдире. Хуне эри эн у исэглэт тигьи, догьуногъ бирере хуно оmoreмбу. «Негьогъ нисе гүфдиреки э метелегьо, — мугу у лове э могьбуле хэндэ веберде, — глэрүс ведаравгьо хуне догьуногьи, глэрүс диоровгьо хуне— оводуни». Э ер эн у омо гиросше глүмьур эн у э и хуне, чуьтар дедей энугьо муьрдиге, пелде бебешу Шебетей, ю, Сосун, мундге э чуькле хэгьерлей хуьшдеревоз. Угьо етим мунденте амбаре рузгьо бири, Сосун ю, гисне мунди, гьэрез Истире гисне негьишди. Э сер Истир веригьо бендгьой муйгьо э сер е духдер дигьиш невебу. У муйгьоре ченд-ченд гиле, Истир те келе бире, Сосун делере хуно, теиш нори, шушди, шуне зери. Сер ебо эз богъ. енебуге эз више оmore, у кешей хуьшдере пур сохде миэвурд эри Истир заГлэрүьл, эзгил, бигь, гьэребеч, сиб,—эхирки чуь жире емуьш э дес ю миофдоге. Бебесуьз, делесуьз, миросуьз угьоре дуь эз еки зиедте кес небу, уре угьо эз глэилрэвоз хуб данусденбируьт. Угьо э еки гьечи дусд буьруьт, эри-ду еки хьозур бируьт жун хуьшдере эри доре. Э ёр эн Сосун омо, чуьтам егиле эз и пенж-шеш сал пушо, Истир хьэшд-нуьгъ сала гьисдик сэхд нечогъ биребуге. Глэил руз-бе руз эдембу сухде шэгИме хуно э гьэриш хьэлов нечогьги хьэл бире, у шевгьо те себэхь нуьшде э ён боьлей эн у, чуме э хов невеберде нечогьгигьой эн Истире гьуьлугъ сохдебу. Е шев Истир гьечи биребу, гуйге гьейсеглэт мимуврь-мумуну. Эз дерд не эз терс серсон бире Сосун гирисле-гирисле э

иловлей хьэлов эн хэгьер хуьшде, сине куфде-куфде гүфдирембу: «Жон, хэгьерлейме, туь эз и хьэлов вэхуьшде ме эжигейтуь дегешдом. Э у эри туьре берде оmoreгьо молкомут гу жунлейтуьре гьишде, жунлеймере берүь эжигейтуь-гьо. Эз туь бэггэи мере кес немунди, туьш мере шенде мара»...

Е деле мидануь, чуь дерд, чуь сэгГэр эз дуьл эн Сосун гиросшебуге у вэхди. Чуь шори, чуь мозол гиросшд эз дуьл эн Сосун диренте ки, четнигьо гиросшди, хэгьер ю эдее хуб бире, гуйге пулгьо, молгьо ве бэхдеверигьой эни глүьлом вечери доре уре.

Эи глүьлом гьичиш э е жире нисе мунде. Глэилле бугьо хэгьер ю келе бисдо, ошугъ бисдо, э шувьвер рафд, имогьой дедей глэилгьо мибу...

Э ижире фикиргьо-мэхьшевогьо дерики Сосун, ебойге э гуш эн у дерафд сесгьой эн гьовол-зурнов, эн жэвгъ, хьэрой-хьэрой эн хэлгъ. Ижире сес, гуруне, бираче сес гьовол-зурнове у гьич э глүмьур хуьшде нешиновусдебу. И чуь сесгьои, и чуь жевгъ дери э дигъ? Сес гьовол-зурнов, не жевгъ оmore-оmore эдембу куьнд бире эз хуней энугьо. Бирден е келе сес эн киниге дерафд э гуш энү, гуйге у сес корде зере бурри дуьл энуре.

— Эй гьунши мэхьэле, ошгуне гьовол эдее зере эри духдер Шебетей, ведиройт денишит э томоше!..

Сосун серсоне хуно ведирома эз дер. Гье и туьтем, Эвшэгъ мому, шуш нефес гуврде, омо офдо э шугьомо э пойгьой эн у.

— Гьэдой туьре вегиром, Сосун, — мугу у э гужевоз нефес кешире — э серме худо вери: хэгьертуь поки, дуьруьсди, э жун эн у гьэзд месох, шедде Гьомуил э гьэсдевоз нум хэгьертуьре биэбур сохди.

Мому тере-тэгИди, зугун ю пичире, гүфди гьозией эн и коре. Мому рафде мунде, эз гьэзгьер серсоне хуно бире Сосун дерафд э хуне, зури-зури эз гьиче фирегье хэн-жел бебешуре вегуврде, кес недире юре ведерафд эз хуне э гьэргьги шев.

ХУ Э ЖИГЕЙ ГЛЭРС

Эз Гьомуил бэггьдо э дигъ гЮшир добугьо раби Но-хум бу. Уре хубе богьгьо, муьлгьо, вишегьо бу. Ченд бо Гьомуил эз эн муьлгьо-хоригьой эн у гиросше, дуьлю

бил-бул бирембу. У эз зуревоз мэхышово сохдебу духдер рабире эри кук хуышде эри хосде. Э хотур эн и кор у деш кунд, дусд биребу э рабиревоз, э зуревоз дуь эхуней еки рафде оморе сохдембируйт. Пушой чи хурде, сер ебо духдер раби логон-хюфдофо овурде десгой энуре эри шуште Гьомуил э сифет духдер раби денишире, мугуфди зарифат сохдере хуно:

— Туьре элее гIэруьс ме сохденуьм.

И нуме эз зуревоз ковхо венореву гыишдебу э сер эн духдер раби, де э де одомиге у имид, бенд небу гуфдире. Духдер раби эз пэхьники эдембу муьрде эри Эсеф. У эдембу, коргой гуюгьоре хуно, хое сохде, кей ковхо илчигьо мидефуьрсу, михогьуре.

Рузгой шоботгьо, духделегьой дигь, десде-десде бире, ведерафденге э боггьо-дешдгьо эри гешдешу, жогьильгьо э песой энугьо оморе, э дуь еки вохурде, меслэхэт мисохдут, э песой доргьо, кулего, дуь дуьл, сур екире э еки мигуфдируйт, хошие гофгьо э еки мигуфдируйт. Ченд гиле э и вэхд эни гешдегьо духдер раби эз гьеме духдергойгей дигь хуб вераисде: э сер ю келегьэи Генже, э тен ю дарей Исфогьони, э пой ю пожей эн могьут макарёи вери, медиromo, е чум эн у э лой десдей кукгьо мунде, гузет мисохд: миевми и дес семе Эсеф эз ю куьнд, жиरो бире э юревоз э зир е серине дор, енебуге э далдей эн е куле, гоф мисоху, вози мисоху э юревоз, мугую э дуьл ю деригьо ниетгьоре, юре хосдени гуфдире!

Оммо Эсеф эз духдер раби куьнд нисе бирембу. Гьомуил бебей эн угьо сер ёбо дире духдер рабире зарифат сохде э юревоз, мугуфди:

— Ме туьре гIэруьсме элее сохденуьм.

Гене духдер раби сер мигуьрд эри бовор сохде, имид хуышдере веноре э Эсеф. «Бебей энугьо э у негуфдире нибуки. Юре э хысобоюз гIэйб оморе эз ме куьнд оморе, гоф сохде э меревоз»,—мугуфди эри хуышде духдер раби э пушой гузги хуышдере тимор сохде, дуьл жэгIми доре. Гьисди е вэхдиш духдер, енебуге жогьиле зе унгьэде думитгьо, гофгьо эз товун сур-дуьл хуышде, войгьего ве мэтлебгой хуышде нисе гуфдире, э пушой гузги поисде хуышдере дире, тимор сохденигьо вэгIдо. Негьогь нисе гуфдирени э гIэрей хэлгь «Э гузги ингьэде меденишей—жингир мибоши».

Духдер раби, ченд бо э пушой гузги поисде, эри хуышде мэхышово мисохд: «и дес Эсеф егьин миёв э ки-

ме. У миёв э киме лов хэнде, э шориревоз, ме эз гьэгьр, э вогьнеки миچارуьм песово, гуйге ме уре гьич дире одомире хунош хысобо нисе сохденуьм. У мугую: «Хонум, туь эз ме элее сифет чаруьнде, бикеф бире одомире хуно?...» Ме э лой эн у нечарусде, сифете э ешимэгь гуьрде, мугуюм эз у: «Туь е хэнде элее гоф сохде, гуйге нэхогьойме э туьревоз ченд гиле э еки вохурде, гоф-гелиш сохди. Туь э же ме э же. Мере э кук хэлгьэвоз поисде гоф сохде хьэз нисе оморе». У е кем эз дуьл сэгIэр хурдере хуно мугую песде: «хуб, туь эз ме мевирих, пэхьни мебоши, мере гофи э туьревоз гуфдирени». Ме мугуюм эз у: «Хьэйф эн и кор, кук кесе э духдер кесевоз чуж гоф биренини? Рэхьтуьре бур!» У эз ме мугую: «Туь игIэре гьисдики ме э же рафденуьм. Ме э песойтуь оморем, ини имугьой туь экимени, ме туьре хосденуьм». И гофе гуфдиренге у дес дураз мисоху эри гьэл гуьрде мере, ме хуышдере э дес ниудуьм, ме э вогьнеки мивидовум эз ки эн у эз и биней дор, э у биней дор, эз е песой куле э у песойге, гьэгьр мидуьм уре. У сер мигуьруь э минет-ёлворевоз э песой ме эри видовусде, ме э сифет эн у денишире шэггьэз мизенуьм михэндуьм, хьэ-хьэ-хьэ...

Егиле гьечи Хонум э пушой гузги поисдеки жире думитгьо-ниетгьо сохдеки, шэггьэз зере хэндуьсдеки, оморебу диromоре дедей энугьо. У мэхьтел бире, терсире, мугу эз духдер хуышде: «медениш, хэлефме, ингьэде э хуышде э гузги, жингир мибоши, э гузги гIэлбуьс дери». Егилейге дедей энугьо диренге духдер хуышдере э пушой гузги э гирисдеки, гузгире эз пушой чум энугьуьрде, э руй хьэловиго пучинде доноре сэхд сохдебу э сундугь, шувьер хуышдере гыишдебу хьэйкел нуьвуьсде эри Хонум, гIэлбуьсгьо-гьэлифегьо э у соташмиш небу гуфдире.

Неденишире э сохде ниетгьой эн Хонум, Эсеф эз у куьнд нисе оморембу, у гьисди-нисди гуфдиреш хысобо нисе гуьрдембу. Бираче духдер раби, чорей ю мибисдоге эз гIэйб-гIори гирошде, хьэргой дешенде мугуфди: «Эсеф, весси, дуьл мере пара-парче сохдейгьо, биё е дуь гоф гу э ме, дуьлмере сокит-хомуш сох, небуге огьу-зэхьэр мухурум, микуьшуьм хуышдере, мешенуьм гIовуне э гердентуь...» Оммо номус духдери энугьуьл нисе сохдембу, ченгьэде хун эн у эри Эсеф дуьш зеренбугеш, сохдембугеш, и гофе э у эри гуфдире. Эз хьэсроти эн мугьбет дуьл хуышде у рузбе-руз эдембу лэгьэр бире, кимвэгIдо гьэ эз сери хуышде эз чумгьгой энугьо миоме шур-шур гIэрсгьо мирихд.

Косибе дедей эн угво техсири эни коре эз гузги жусдембу, у гьерчуь дануьсдембу и хэсденре духдер ю эз гузги вегуьрди, унегуьре ондум-ондум нифригьо мисохди, ки и гузигьоре ведешенде э г'уьлом лов сохдиге. Э ки ченд фолчигьо рафде э пэхьники бебе-делешу Хонум ченд чорегьо сохдебу, кук ковхоре э хуьшде вогосуну гуфдире, оммо гьич эз и чорегьо е чореш небисдо. Дануьсенге ки Эсеф э песой Истир эдее гешде угво дуй э еки Асли Керим бирет, духдер раби эз мунде жигеш гиж-делуьре хуно бирени, ранг ю хок-хоколувье вешендени. Ингьэде э дуьл энү хьуьрш-гьэьгьр, бэхили дебу эз дес Истир, Эгнер эз дес эн у моромоге у эз гьэьгьр дуьл хуьшде э тешней ве войгеревоз тиже дондугьой хуьшдере доноре э бинебугьоз эн Истир, мухурд те ношумей Истир веде-рафде хун энуре.

Пушотенигьой хуьшдере хуно, ковхо е руз диренге Хонуме э билогь э г'лов овурдеки, огол зе уре мугу:

— Туьре эдее г'лэруьсме сохденуьм, ди гьери эз совуй туь хинике г'лов хурум.

Те имугьой Хонум и гофе сер ебо шиновусде дуьл ю шори сохдембу. Оммо и дес э дуьл ю кура бире гьэьгьрго эз вешенд э мазалай эн у.

— Ме руьхшенди нисдуьм, лелей Гьомуил,—эз са-бур-игьрол веде-рафде э хьуьршевоз гуфди духдер раби, эз чумгьой ю оmore г'лэрс тигьы бире,—э ме эри хэндудьсде. Г'лэруьс туь хэьгер етима Сосуну. Э куктуьревоз у муьрди домунде э вишегьо-кулего, бура э у гу и гофе!..

Г'лов недоре ковхоре, тара совуре э душ вешенде рафд Хонум, хэьжел расире одомире хуно, лой хурде-хурде, чум г'лэрс.

Чуь гурунд омо эри Гьомуил дануьсденки, гьэьгьгьэ-тиш е теке кук ю, кук ковхой дигь, кук г'лошир э и етим ошугь бири. «Гьисди-гьисд рач дне, рачи одомире пул не г'лэсуьл ние доре. Имогьой и духдер Шибетей рачи гуфдире биэ и муьлкгьо-хоригьой эн и пире рабире эз дес ме ведешенуьм?» Гьетте муьлкгьо-богьгьой раби э пушой чум эн Гьомуил оmore ношумой жун эн у гуйге рафдембу. Уре де мэхьшовойге небу э и г'уьлом, эз мэхьшовой эн деш г'лошир бирен гьэйр.

Э кук хуьшде гуфдире гофгьо, гьеле-булего: эз Истир дес вегируь, духдер рабире хогуь гуфдире, э у кори несод. Эз э Сосуневоз сохде серкушигьо, охмуригьо е кор неведиromo, Кук не духдер вогосирет э еки г'лэш г'лэселире хуно.

Денишире диренге э гужевоз, э терс дорейревоз кор нисе бире, г'лэмелдане, хьиллее ковхо мэхьшово сохдени е кориге. У эз руй сер гуьрдени эри рази бире эри хосде Истире. Ю хуьшден ю дерафдени э илчиети, бэхшгьо бердени эри г'лэруьс, келе хэржигьо-шоригьо сохде г'лэруьс нушундени, хэлгь бовор соху гуфдире Гьомуил юш шори, ег'ни, кук ю Истире хосди гуфдире.

...Г'лэруьс гьетте овурде, уре дсберде нушундут э жейлее утогь. Ковхо огол зе дирувунд Эвшэгь момуре э ки хуьшде э тэхьное хуне, дере сэхд сохде гуфди эз у:

— Эвшэгь, мере гьейсг'лэт э китуй е метлеби, мисохи туь уре эриме? — э битобиревоз гуфди ковхо.

— Э сер чумгьойме, — мугу мому, — гу дануьм чуь метлебие.

— Енге бош эри Эсеф нен Истир!

— Деш хубте, — хэндудьсде гуфди Эвшэгь, э и г'луьмуьрме эри е сад одоми ме енге бирем, эри кук не г'лэруьс туь енге бире нисе дануьсденуьм. Енге эз ме-бэхш эз туь.

— Ме бэхш мидуьм туьре, кишди нэг'л, кэлэгьэи нэг'л, хэлгэ хуно, дегь туьме пул эршефи, эгнер туь...—У кунд бисдо э биней гуш эн мому,—эгнер туь ведиromore шо-гьоди дориге э пушой хэлгь Истире чодур нисди гуфдире.

И гофе шиновусдемунде мому гьогь бисдо, лэг'лэйю рэхьо мунд, эз сер ю дегенер расире одомире хуно.

— Гьери, зубош гу, — тэг'лди доре уре мугу Гьомуил, диренге, ки зугун мому гьеле-меле э кор ниомере, — кемидегь туьме? Бисд, си, пенжогь мидуьм, сох и коре!..

— Нэг'л, нэг'л, гьэдовалим, — э хьэлежигериревоз гуфди Эвшэгь, песово-песово рафде,—ме келе зе, муй сипи сохде, э сер дувруьсде духдер хэлгь хьшо вешенде, э г'ловун эн у кор дарафде нидануьм, э серме худо вери.

— Метлеб мере туь бегьем нисе сохде? — э гьэьгьрин биразиревоз пуьрси ковхо.

— Гушгьой ме кар гердо, и чуь гофи туь эз ме гуфдирени, — терс ю гиросше гуфди мому э жуьрг'лэтевоз. — Э хьэлоле духдер хуне одоми беге ижире зулум мибуру?

— Дие гьечу буге, бура, — мугу ковхо эз мому терс дорере хуно уре. — Оммо ме гуфдире гоф э г'лэрей гьердуйму домунугу. Эгнер и гоф э кес хэбер расиге, дануьсдебош эритуй нен г'лэилгьойтуь хуб нибу.

— Бошгу, бошгу, гъэдоволим, — гуфдире ведарафд мому зурн-зурн эз хуней Гъомуил э буру, эз торике сэгмлуве више э очугъэ мейду ведироморере хуно.

Пушой э ки гъэруьс дерафде Эсеф, чытам гъэдот гысдиге диromo э ки бешу, эри хъэллбон хосде.

— Нуьш, хъэфме, мугу Гъомуил, мере э туьревоз гофи, — лове э хэнде веберде гуфди у эз кук хуьше, — биё бебе писер е пейле е пейле, жу э жу зере гьерки е пейле эрэгъи хурим, туь имбуруз э хинике глов нуькере тен шушдей, е пейле эрэгъи хуб мибу эритув.

Эсеф душгьоре вешенде гъэйбе-гъэйб хэндуьсд. Гъомуил куьнд бисдо эз догъле, вегуьрд пуьтуьркей эрэгъире, декуьрд э дуь пейле. Э е пейле э гъэд эрэгъи дешенд у сов сохде тирьке. Дуь пейлере э дес гуьрде, омо у э ки кук хуьше, пейлей тирьек дерире до э Эсеф, пейлере э еки зере бебе-писер хурдт эрэгъишуре.

Е дегъ минут гиросше бэгъдо, Гъомуил диренге ки, чумгьой кук ю хыро хуно бири, герден ю ён, э хуьше недерире хуно эдег гоф сохде, э гужевоз вэхизунде уре, декуьрд э утогъиге, э ки гъэруьс.

Эсеф гьетте дироморе, э гиже чумгьой хуьшдеревоз диренге сер дуьлу нуьшдебугъо гъэруьсе, шори сохде хэндуьсд, нуьшд э ён эн у, гъэриш-гурун, бире сер хуьшдере веноре э сер зани Истир, дегешд гье усэгъэт хиси.

Эсефе э ки гъэруьс декуьрде сэгъэт Гъомуил ведарафд э хъэёт, э жеки э гъейвуй зирн хунегъо нуьшдериуьт зерегоргъо, бирордоморгъо, кими куьнд-ошней эн Гъомуил Е нимсэгъэт гиросше бэгъдо Гъомуил диromo э хуне э доллок Шэмэгъиревоз. Эз сер хъэловгъо ковхо вегуьрд е келе темизе ейлуьгъэ. Те егиле ейлуьгъэ э дес эн доллок доре, у тиж денишире э пиёне сифет эн доллок, пуьрси:

— Ме гуфдире гоф, игърол э ёр туь хуб мунди?


— Лап туьре воисдере хуно, — мугу доллок, чыккле, ковре гъэмелдане чумлегъой хуьшдере буьх сохде, назуке ловгъой хуьшдере э хэнде веберде.

Ейлуьгъэ вегуьрде доллок ведарафд эз хуне э хъэет, ейлуьгъэ вежегунде-вежегунде хъэрой дешенд, э пушой нуьшдегоре мердгъо-зензору:

— Чодур нисди, чодур нисди!

— Чодур нисди, чодур нисди? — э мехътелиревоз э е лэгъэ гуфдируьт поисдегору.

— Чодур нисди, чодур нисди? — гье у сэгъэт жевгъэ хуно лов бисдо э гъэрей дигъ.



— Чодур нисди, эй хэлгь хэлоигь, духдер Шebetee, ведиройт томоше сохит э куче! — верафде э келей бун хуне тирочуре э ленгери зерезере сер гуьрд э ком ве метлебезов эри хьэрой сохде эз мунде жигеш бирач, бинохур биреbugьо духдер раби.

Гьомуил глэтош гуьрдере хуно гьов кенд диромо э утогь эн домор нен глэруьс. У гуьрде эз гьул Истир э зарбезов вэхизунд уре эз жигей хуьше, туф дешенде э сифет эн у, хьэрой-хьэрой гуфди:

— Хьэсуз, гьэнжугь, духдеритуре пуч сохдей оморе э хунейме.

Эзи нокумие кор, эз муьггуьжувзе гоф, дуьлбувание серкуши, вешмердеигь, езуггь глэруьс лоле хуно бире мэхтел мунд. Суьфде у гьечу дануьсд, Гьомуил эз нокуми жингир бири, гьуй оморе э сер зну. У лэлгэ вокуну гую гуфдире: «Э бе, чуй гуфдире туь?» Гьомуил э муьшдгьоревоз зерезере эз кемер эн у ведекуьрд глэруьсе эз хуне, э хьэет.

— Гьовол-зурновчигьо, — хьэрой сохд Гьомуил, — зенит ошгуное гьоволе! Бирордоморгоь, э бегегойму глэдот бугьоре хуно вокунит э тен эн э хьэсуьз сие чучо, венуьшунит э кул хэр, берит, дешенит ире эз же овурдейте. Ме ковок Гьомуилуьм, нуммере ме э хори зере нигылуин!..

Эз и гофгьо, биёбуригьо, эз муьшдгой Гьомуил, эз жевгэ сесгьой эн хэлгь, серкушигьо — гьэргьуьшигьой энугьо, сере вир сохде, гьолоке хуно биребу Истир. У э гужевоз э сер пой поисдебу. Жун зну э дес эн у мидебисдоге гьейсэлгэт рэхьо мидо. «Эйчуй, ой хэлгь езуггь биевгу ишмуре э ме эдембу гуфдире у? Оммо эз бугьоз эн у, эн хуьрсенг гуьрде одомире хуно, сес нисе ведироморембу, энжэг ловгьой ю э беде хов гоф сохде одомире хуно гоф сохдембу.

Истире э сие парталгьой чучо вокурде, э гужевоз э кул хэр венуьшунденге, гьовол-зурнове зерезере э бердеки, э хуней бирор ю, Хонум, духдер раби, согь глэруьси э хуне нуьше, ёс гуьрдебугьо, имугьой э сер бу, эз шори не ком делуьре хуно биребу, эдембу гьовол зере вежегисде.

Песе вежегисден, хуьшдере поюнде у гене сер муьгуьрд эз шори пэх-пара бире-бире эри хьэрой сохде.

— Ведиройт э томошей Истир духдер Шebetей-й!

Хонум дануьсденбу ки Истире, эри эн и кор бирор

то гье у сэлгэт э домой дер микуьшуь, номус хуьшдере э хун энуревоз темиз мисоху. Эгенер Сосун «немерд, элчэгь» ведиромоге, хун хэгьер хуьшдере тигьи не-сохдгеш, рузгор — зиндегуни эн Истир дучи. Уре имогьой э глэре-мэгркей хэлгь жиге нисди, зугьу нисди, уре кес хосдегор нибу. Эгенер хосдегор бисдогеш мибу е бие кефдаре мерд, бебей келе глэилгьо, комики мегируь Истире эри «сугьоби».

— Э рачи эни гуьл биребу Эсеф, чешмише хуно эдембу хэндуйсде Хонум — марис рачи, оммо э зир зугьун ю огьу дери. Имогьой бер эритув. Мунди гьэре-гьоре — эдембу садан э сер бу э товуши менг не асарегьо вежегисдере хуно вежегисде духдер раби, чек зере, ленгери муьсире гьоволе хуно куде.

...Сосун дере э зарбезов вокурде дироморевугьо вэглдо Гьомуил э хуне тэхьно дебу, эдембу гьэйле кешире. Гьеме хэлгь, гьуногьго, шинохго э хуне дебируьтгьо, исэлгэт э куче э томоше, э меслэхьэт бу. Гьомуил диремунде Сосуне э хэнжелевоз, песово доре хуьшдере, чумгьоре чарунде, поисд э ён дивор, гьэйлей ю офдо эз лэлгэй ю э хори.

— Чуй воисде туьре? — хуьшдере э дес вегуьрде э уьткемиревоз пуьрси Гьомуил.

— Кук туь эжи? — глэтош гуьрдере хуно пуьрси Сосун.

— Недери, эз номус эз хунегьо вирихди. — мугу ково.

Сосун хэнжеле кешире э сер зну оморе мунде, уьткеми Гьомуил рафд, жендек ю эз сер те велой лерзи, бирден буьруьж вегуьрде видовусде дерафд э утогьине.

— Эсеф, вехиз, хьэрой!..

Гье эз песой хьэлежегер серсон бире Гьомуил, биэрхьне хэнжеле э дес гуьрде диромо Сосун.

— Хэбер сох куктуьре! — мугу э хуьршевоз Сосун э бешгей хэнжелвоз бирмунде э гьуьж дироморе хисиреbugьо Эсеф.

— У-у пиёни, э хуьше недери, — зугьун ю пичирепичире, гуфди Гьомуил э зэхьлевежэгьиревоз деншире чуйтам Сосун хэнжеле хьозур гуьрдинге эри зере.

— Дие гелин-гийё чуйтар бири у угьреш, кук сел?!.. — Бобо вой, мезе уре, Сосун, езуггь биевгу туьре, — сине куде, э ен кук хуьше э сер сугьрозани офдоре бо-жэхь зе Гьомуил.

Сосун хэнжеле кешире гировунд э Эсеф. Оммо те хэнжел Сосун э сер Эсеф расире, Гъомуил «Вой, Эсеф!» гүфдире, дураз сохд хуышлере э сер эн у. Э зарбезов зере омогьо хэнжел раси эз Гэрэй хиегхой эн Гъомуил. Гье у туйтем хьэловгьо билесумол бисдо э хуревоз...

Хэнжел хунире теретэгди э гъоб шишире, видовусде ведиромо Сосун эз хуней Гъомуил. Сер суре хуно оморө расиренге у э ён хуней хушде, мивинуй е десде зенгьодухдөргьо, мердгьо, глэилгьо поисди э гьэд хьэйтишу. Э домой дер, э пушой хуне дегешде дураз бири Истир.

— Эй хэлгь хэлонгь, ведиройт э томошей Истир духдер Шибетей-эй—лэггэ негуырде эдембу оморө гене сес духдер раби. Сосун зурн-зурн деде глэиллере гьужогь зенуыгьо вегуырдыгьоре хуно, гьужогь зе эз домой дер вегуырды эз хуышде рафдебугьо Истире, хгьбер хуышдере, воно э душ хуышде, зурн-зурн ведерафд эз дигь, вир бисдо э торики шев эз пушой чумгьо.

XI СЕРНЕ

ШОРЕ ХЭБЕР

Себэхь торик-товуши бу. Песини рузгьой поиз бу. Вишегьо-кулегьо нимелит бирэхьне бируйт. Нимей велгьой энугьоре себэхьмуындейне хиникигьо ве рузине кулокгьой поизи туыр-туыр сохде фучиребируйт. Вемундебугьо велгьойгеш зерд-хэзон бире, жуырте, ранге пелуь-пелуе гловдле парталгьой глонире хуно, пусире дулла биребуьруйт э нимелит бирэхьнее лигегьой эн доргьо. Хоригьо тигьи, гуйге снетов зеребируйт. Гьово хиник бу. Хори беисдебу. Э чул е доне одоми, едоне сес небу. Поиз гуйге гьемере бенд, гьэргь сохде гьшидебу.

Шолум тэхьно, э сер ю килэхь гушвери, э тен ю ку-тэхьэ пусти, э пойгьой ю келе чекмегьо, э кул ю е зерде мешук-рэхьи эдембу рафде э лой дигь, денишире э вишегьо, кулегьо, мержгьо, хоригьо, комигьореки у эз глэилировоз дануьсдени, шинохдени, хосдени.

И нуыгь сали у э и хоригьо небиребу. И салгьоре у гировундебу э гьэземетгьо ве э хоригьой Сибирь. Э дуйсдогьи ве э Сибирь гировунде рузгьо э беден эн у зурбо гьэед сохдебу. Гьейсггэ у бу лап лэгьэр, дураз, э чухури дерафде гьутинегьой энугьуне гуйрдебу, эн гьувздуьрмелуе одомире хуно. Кимвэггдо э у вечирем-

бу тасире лугьонде сугьре, эз комики нефес эн у вечирембу. Увэхди у мипоисд, эз сине гуйрде, те сугьре эз ю дес некушу. Песде, гене мирафд рэхь хуышдере.

Э гьирогь рэхь буьруьтгьо кулегьой бэгьэлуьгьгьо, шевелуьлуьгьгьоре диренге э ёр энугь оморөмбу, чьу-там э глэили эз и рэхьгьо сер ёбо оморө э сер поизгьо у гешде-гешде эри хуышде бэгьэлуь, шевелуь чире хурдембуге, чьу-там э сер эни хоригьо дигьбонигьой эн у, муьшгуйригьо кутон зере, хиш зере, тум кошде кор сохдембуйруьтге.

Э глэрей више, э ён куьрпи оморө расиренге, у гьебо поисд. Э зир эн е келе дор, кефел хуышдере э дор ведоре, чумгьоре буьхь сохде, сере гьуз гуйрде, келе тижө суйргьой хуышдере пушово гуйрде поисдебу е бордоре гомиш. Э пушой эн у поисдебуьруйт дуй гуйргь, тижө дендугьой хуышдере гьинже-гьинже сохде-сохде, угьоре воисдембу шенуйт хуышдере э сер гомиш эри пара-пара сохде уре. Э хьисобовоз гомиш пэхьни бири эз нэхир эри бала зенде, оммо гуйргьо-диши не эркег — расд оморөт э у, имугьой хьэлово бирет э жун ю. Те Шолум, фикир сохде, чуй сохуге, песово вогошде, енебуге верафде э дор фид зере, терсунде, пиш соху гүфдире гуйргьгьоре, бирден омо е келе сес туьфент шендеи. Еки эз гуйргьо, диши гуйргь гье у сэггэт зузе зере вэхуышд э дуй пои, ху берде юре офдо э хори. Эркеге гуйргь диренге и коре, дуйм хуышдере гьэд сохде терсе-терс денишире э иловле вирихде пэхьни бисдо э више. Гомиш гье у сэггэт э мэхьтели не терсезов сере тик гуйрде дениши э иловле, песде пура шуьггэм хуышдере лой доре-доре чопгьуне хуно вирихд э лой дигь. Гье у сэггэт хэндуйсде-хэндуйсде, туьфент э дес дери, синей ю гьеме патрандаш эз више ведиромо е гьундурө екелуье, сие чердеэ жогьиле одоми. У диремунде Шолуме хэндей хуышдере поюнде, гьош-гьобогьгу дениши э Шолум. Угьо гьечи е гьэдер дуй э еки денишируйт.

— Эриме оморөнигьо туь глэил Шибетей — Сосунн, — мугу Шолум, денишире э екелуье буйбалай эн жогьил.

— Ме ние шинохденуьм туь киниге, чу одоминиге, — э ихьдирөсуьзирөвөз гүфди кук эз више ведиромогьо, туьфенге э дес жарунде.

— Туь дигьи-жэггметитурө нисе шинохде? Ме Шолумуьм.

— Шолуми? — Э мэхьтели не шорирөвөз жугьоб до кук. У туьфенге зурн-зурн э душ веноре омо гьэл гуйрды

Шолуме, моч сохд эз гьутиней ю.—Жон Шолум, туь хош оморей. Туь мере чьуьтам шинохди?

— Туь ингьэде мере хуно э гьэзаметгьо-сибиргьо ми-нуьшдиге меш туьре нишинохдуьм туь мере нешинохде-ре хуно,—э могьбуле хандеревоз гуфди Шолум, эз дуьли жуни сэхд гьэл гьурде Сосуне.

— Хуб, биё нушим э гьирогь рэхь рэхьети сохим,— мугу Сосун.

Туь лап дегиш бирей, келе мерде хуно бирей.

Гьердуьй энугьо шори-шори нушдуьт э гьирогь рэхь, э сер эн е офдоре гьорте дор. Шолум э тэгьнимиревоз ведешенд эз куьф хуьше гьэйлереш, кисей томокуреш.

— Ги кеш папрус,— мугу у эз Сосун.

Сосун вегуьрд кисере э раче гуьлгьо духдебугьоре. Фегьм сохд эз гьерло. Э елой кисе э гьирмизине русмун эврүшимиревоз чьуь хэтиге духде оморёбу.

— И чьуь хэти? — мугу у.

Ранг рафде ловгьой эн Шолум гье у сэглэт э хэнде верафд, чумгьой ю глов-глови бисдо.

— И хэт урусини,— мугу у. — Нум зен мени—Наташа. У духди эрме и кисере э Сибирь. — Песеде е дэгь-дэгьэ поисде, э сифет эн Сосун деншире Шолум пурси: — Хуб, гьеле асларай себэхьи небире, кергьо э кер-гелуьгьо хэбер небиреки туь тэхьно э више чьуь со-де, ерэгьэлү?

И е сал бу Сосун эз у руз Гьэруьси айло, эз кохво Гьомуиле хэнжел зере айло эз дигь вирихде э вишегьо пэхьни бирёбу. Уре човучгьо, гьэлебегигьо эз гешде во-мудебируьт. Ковхо Гьомуил хьэшд мегь дегешде э боль-ниса э шегьер Дербент э кумеки хубе хьокимгьо-дух-диргьоревоз гуруне ярай хуьшдере хуб сохдебу. Оммо эз яралуь бире айло жилгьэй кемер эн у локо расире, шэфд бирибу. У имогьой е душ звере, е душ зофру геш-дембу, гердереш у дуз гьурде нисе дануьсдембу, пел-тек-пелтек гоф сохдембу. Оммо Гьомуил э дуьл хуьше деригьо метлебе гьэрез э жиге овурд: Гьэруьси сохде дуборе эри кук хуьше хосд овурд эри эн у духдер ра-би Нохьуме.

Гьомуил э ченд жигегьо, э гьуншише дигьгьо, э Дер-бендиш одомигьо гуьрдебу Сосуне э зуньде, е муьрде эри офде овурде. Човучгьош, гьэлебегигьош э хотур эн кохво Гьомуил ве э пул дорен эн у имид бире руз-бе-руз, орине-бе-орине, мегь-бе-мегь эдембируьт гешде



«гъэчэгъ» Сосуне. Сосун даууьде эз товун эн и кор, хэгъер хуьшдере э хуней дусд бешу лезги Хььсен гыише ю шев-руз пэхъни биребу э вишегъо. Кимвэгдо-косиб-кусуб эн дигъ э чул кор сохдембируьтгъо вэгдо, енебуге э више хуьзуьм, беш буррамбируьтгъо вэгдо дирембируьт Сосуне, Угъош уре диренге шори сохдембируьт, э эз хуне оворде нуи, суьзме э нухорушевоз уре гъуногълугъи сохдембируьт, оммо э доне одоми эз товун уре дирей не э ковко, не э човучгъо ниугфдируьт. Оммо э ковко хэбер расиребу ки Сосун э више дери гуфдире. У гъеми эз гъэгъер уре неугурден, тембихъ недорей дердежер бирембу, эз елойге у эз Сосун хъэлежер бу, эз терс эн у, у руз не э чул, више медарафд, не шев э хъэжотхоне, Эри хъэет хуьшеде у гуьрдебу э э плен эн довглой Николай офдоре туьрке Ибраиме, комиреки гъеме э дигъ огол зерембу, «туьрк Эффенди», чуьнки у э гьеркиревоз гоф мисохд, мугуфди: «Эфендуьм». Туьрк Эффенди туьфенге гъэл гуьрде михиси шев сего хуно э демой дер гъопуй эн ковко, руз мигешд э песой эн у. Эз теле ковко овордебу дуб келе озгъуне сеггьоре, рэхъэ сохдебу э хъэет.

Кимвэгдо гъечи Сосуне воисдембу вогорду э дигъ, зигъуь, кор соху и хэлгъэ хуно. Сер ебо у дигъбонигъой хуьшдере дире, енебуге шев пушой себэхъ э ён дигъ, э више-куле хисиренге сесгъой хъов-хъов эн сеггъой дигъе, нен гъуьтгъуь зерей хурузгьоре шиновусденки, нешумой эн у билбул бирембу, э ёр эню оморембу хуней ю, хэгер ю, дигъ-жэгъмет, дусдгъо-хъовиргъой ю. Чорей эн у мибисдоге гъемере мишенд миомо э дигъ, эзунбэгъдойге гьерчур бисдо бугу. У тэхъно э и вишегъо гуьрг-хъйвуре хуно гешде, пэхъни бире визор оморембу. Эз елойге у терсирембу э дигъ омоге човучгъо-гъэлебегингъо мигуьруь миберуь гуфдире уре э Сибирь, э гъерибе хинике хоригъо, эз коминжоки у е могощду, е нэгъ. Падшогъ эз тэхд офдорей и ченд мегъ бу э гуш эн у дерафдебу. Оммо у эдембу дире, шиновусде ки падшогъ эз тэхд офдоригеш гъонунгъо-порядкегъо э дигъ гъечу мунди. Гъомуил гене э жигей хуьшеде эдее ковхоети сохде, куьгъне хъокимгъо, човучгъо, гъэлебегингъо э жигеьошу мундет.

Гъесэгъэт эз у Шолум пуьрсиренге: «хуб, гъеле ас-дарай себэхъи гъэргъ небири, кергъо э кергелугъо хэ-бер небиреки, туь тэхъно э више чуб сохде, ерэгълуь?»

эз дуьл Сосун хэйли гилгул гирошд. «Гъуом эз серботи угее бирортуь нен угее бешуму — Гъомуил оворе бирем офдоре гуфдире э и вишегъо? Белки уре и коргъо, гоф-гъойме хъэз неомо, чубш бисдогеш одомигъой екин-нут...» — эдембу фикир сохде Сосун.

Шолум дуьмунь гилеш пуьрсиренге эз Сосун, се-бэхъ-себэхъ у э више чуб еохде гуфдире, Сосун сер гуьрд еки-еки Гъомуил э сер ю нен хэгер ю оворде гъоизнегъо-ре эри гуфдире.

Сосун ихдилот хуьшдере гуфдире верасде бэгъдо, Шолум гъэйлей хуьшдере э куьф доноре вэхуьшд.

— Гъомуил э тэхъно э туь нэгъ, э гъемей дигъ-жэгъ-мет гъэзоб венори. Дие имугъой у вэхдигъо гирошди, вэ-хиз бурайм.

— Эже? — э мехътелировоз пуьрси Сосун.

— Э дигъ!

— Э дигъ мере Гъомуил мигируь э десдин човучгъо-ревоз мифиуьрсуь эзу туь оморейгъо жиге, Сибирь, — мугу Сосун.

— Эдее гуфдиренуьм э туь дие у вэхдгъо гирошди. Вэхд гъоширгъо э сер фэхълегъо огъоети сохдембугъо верасди. Э Урснет эз и се руз пушо фэхълегъо не ранж-бергъо вегуьрдет хуькуьмете э дес ишу. Э келей хуь-куьмет норет Ленине, бебей эн косибгъой гъемей гъуьло-ме. Эз дигъ ковко Гъомуиле эз ковхоети вегуьрде гереки, э келеети эн дигъ-жэгъмет косиб-кусубе биё норе биёв, вэ-хиз бурайм, ме гъемере эри туь э рэхъ ихдилот мисохум.

...Шолум не Сосун э дигъ дироморевуьруьтгъо вэгдо руз келе очмиш биребу. Гъемин руз шобот бу. Мердгъо, жем-жогъил, екем келете глов-гъилгъош — гъеме э нуьмз бу. Зен-зоруй дигъ, гъер мерд бире темизе партал хуьшдере вокурде нуьшлебируьт гуьмге зере э ихдилот, э пушой жару зере хъэетгъо, гъопугъошу.

Зенгъо, духдергъо диренге Шолум не Сосуне гъемее-ки э пой вэхуьшеде оморут, ведабуруьт иловлей энугъо-ре, шори сохде-сохде хош оморин сохдут угъоре.

— Гъемише эз чол ведриворш, э Шолум!

— Эз гъэдо-боле хилос гердош э Сосун! — э е лэгъэ хош оморин сохде, мугуфдируьт зен-зору.

— И чуб ранг руи Шолум, дешешму диге туьре э и хъол, жигер хъэл мисоху, мимируь...

— Гъемише э пушой чум гердош. Чум дуьшмере, ве-кешон э Сосун!..

— Ме егиле бурам бошерей дуым Гъуьзургуьле, — фирегье пожегьой шовол хуьшдере вокошире-вокошире видовусд Эвшэгь мому.

Е пенж минутиш негрошд Гъуьзургуьл, е пенжогь, пенжогь пенж сала сипре мусе зе, очугъэ, екем гъуьж диреморе сифет, сие гиргинее чумгьо, э сер ю мендил вери, э тен ю гъобой хэре, видов-видов, гьолок берде одомире хуно омо, «жон балам, гъэдойтуьре вегиrom, хелефме», е ченд бо э видовусдеки гуьфдире, гуьфдире, омо гъэл дешенд э герден кук хуьшде, сере веноре э сер хуьр жере, дору дарафде синей эн у вой зере гирисд.

Чумгьой эн поисдегоре зен-зоруш Глов-Глови бисдо-рут, кимигьо э угьо денишире гирисдуьт. Шолумиш, чум-гьой ю Глов-Глови бире, сер десгьой дедешуре моч сох-де, эдембу хомуш сохде уре, «жон деделейме, весси, ме-гирис».

— И чуй ранги туьре вери, ранг туь зерде бигьгьой поизире хуно, гилове хокгьой гъэегьоре хуно рафди, де-дедей миро туьре... И е раче, гуьгчеке балаймере и эзи хьофд догь хьофд дерьегь гисдигьо гъэйсере Сибирь падшоги э чуй хьол овордиге виниш ебо!... — Эдембу гирисде, синесов бире э кук хуьшдеревоз Гъуьзургуьл.

— Вессией, дедей миро туьре, э жигей Гизиле хош сохде, туь эдее дуьл энуре, дуьргердо, деш гъэребелугь сохде, — эдембу серкуш зере уре Эвшегь мому.

Зенгьо чуме Шолум нен дешу гисдики, Сосун зу-ри-зури рафд э лой хуней салдат—Рэхьмон. Шолум э ку-меки зенгьоревоз дешешуре хомуш сохде э хуне декуьр-де, ю рафд э нуьмаз, жэгьмете эри дире.

Э Муьшгуьр хунегьо гьеме гилови бу, эз нуьмаз бэ-гъэй. Хуней ковхо Гьомуил эз эн гьеме келете, эз эн гьеме гьуьндурте, дуь тебэгъэн, шишехонедериш буге, уш эз керпич гилови вокурде бу. Оммо нуьмаз эз хубе, келе тирошире сенгъгьо вокурде бу. Э куьндигьой дигь оморе расиренге, суьфде ебо э пушой чум гъир гуьрде бун не сипре диворгьой нуьмаз веде бирембу, несде ши-шехонолуье хунегьой эн Гьомуил.

Нуьмаз бу э гьирогь дигь. Э ен эн чухуре нуькере. Э гъэд нуьмаз, э сер тэхде зере дуразе куьрсигьо жере-жерге сисид дегуьрде нуьшдериуьт мердгьо. Омбаре одомигьо инжо э зиршейни-зиршоволи не жундуре чу-хогьоревоз бируьт. Э ен гьихэл, э сер жейлее куьрси,

фирегье рушгьой ю сип-сипи, килэхь бухара э сер ю, ковре гъобой эврүшими э тен ю вери нуьшдеху ковхо Гьомуил. Э пушой эн у бу е гьолуб дуре гуьрде куьгъне туро. Э расдилой энү нуьшдеху Эсеф кук эн у, э чепилой ю — Ибраим, — «туьрк Эффенди».

Раби Нохум, поисдебу э пушой гьихэл, э дуь тараф эн гьихэл поисдебируьт расди лой туро не чепилой туро. Э сер гьихэл вебу сифир. Раби Нохум, эз келемерди хие-гьой ю буруне ведиромореху, рушгьой ю верфе хуно сипи биребу, сифет ю гъуьже-гъуьж. Омо сес ю эн жо-гьиле одомире хуно рач, мугьумлуь мундеху.

Раби чаруьсд песово, э келе раче сес хуьшдеревоз гуьфди:

— Ибраим, веро э сер гьихэл!

Гьемей жэгьмет дениши э лой Ибраим. У гьеебо вэхуьшд э иловле чумо-чаруь сохде, сере тик гуьрде верафд э сер гьихэл. Раби Нохум дениши э чире бигь-луье сифет эн у хуни-хуни, гуьфди пичи-пичи, хэлгь не-шинову гуьфдире:

— Мен сене димемшидим ики-уьч гъэфде гьобогь сэгьгъэлинен гел мечите. Сэгьгъэлсуьз мен сени мусо дининде неже гуьтуьрим?

Оммо туьрк Эффенди сер гуьрд эз чешмиши хуьшде евош нэгь, келе-келе эри гуьфдире ки у дуь-се орине руш нечиребу, гуьфдире э хотур эни кор, э рушо эз вердиш-суьзи лап хоре офдеребу, сир-семуьрсогъиш куьфде вено-ребу э рушгьой хуьшде, оммо непоисде, эз битоби ве-гьишде руше вегуьрди чире гуьфдире.

И гофгьой эн «туьрк Эффендире» шиновусденге жэгь-мет, гьеме хэндусд.

— Гуь, чуй хэндей?! — э Гюсириевоз е хъэрой ве-гуьрд э сер жэгьмет Гьомуил.

Рабиш чумгьоре буьх сохде, гьошгьобогьлуь дени-ши э жэгьмет. Хэлгь э гужевоз хэндере поюнде сер гуьрдуйт эри гуш веноре.

...Гьомуиле е хэгьерзоре бу, бие зен, раче сер. Чум эн «туьрк Эффенди» домундеху э у. Угьо екире э пэхь-ники дире, э еки ошне биребируьт. Э гуш Гьомуил де-рафдебу и ихдилот оммо у хуьшдере э дануьсдеки нес-венорембу. Чуйнки «туьрк Эффенди» герек бу уре. У дошдеху уре юре еГни дувимегьо амбари, э жун ю гъэд сохдегор кес небу гуьфдире. Хэгьерзорей ю омор-е Гьил мунденге эз «туьрк Эффенди», Гьомуил гоф сох-

дени э рабиревоз, туьрк Эффендире э дин турой Миши эри оворде, песе хэьгэрзорей ковхоре мегър сохде доре э у...

Раби Нохьум руй бире э ки Ибраим гуфди келе-келе.

— Жугьоб ди, туь эз дуьл оморей гьобул сохдей дин-туроймуре?

— Гьери, Эффендуьм, — мугу Ибраим, сер дулла.

Хэлгъ гене хэндусьд, раби хуни-хуни дениши гене э «туьрк Эффенди». Ибраим вераси ки гоф «Эффендуьм» негьогъ ведиримо эз лэгълэй ю.

— Ведешендей ми туь эз дуьл туь дин Мэхьэмеде?

— Эри!

— Э пой низени туь дин имуре?

— Нэгъ!, Эффендуьм!

— Разиними э жигей Ибраим нум турой Ифреим доре туьре?

— Эри, Эффендуьм.

Раби гене чумьгоре эз зир хэсде сипре муйлуьве гьогьогьой хуьше дуьллу сохде хуни-хуни дениши э Ибраим, у гене «Эффенди-Эффенди» эри гуфдиреи э сер гьыхэл, э пушой жэгъмет.

Раби бирэхьне сифире, тожго э серю верики, э гьэл хуьше вегуьрдки эз сер гьихэл, гьемеeki хэндере поюнде вэхуьшдуьт э сер пой. Раби оворд сифире э ен буз туьрк Эффенди, уре гьишд моч сохде. Песе раби сифире э гьужогъ расдилой туро доре, вегуьрд сисида, дегуьрд э кул эн туьрк Эффенди, келе келе хунд: «Миши борох эвититину Оврогьом, Исхьогъ ве Ягъэгъу... Ифреим бин...»

«Туьрк Эффенди» э дин жугьури чаруьсде фураморенге эз сер гьихэл, Гьомуил келе-келе гуфди эз раби:

— Керенскире мишиборох сохде гереки. Э гъзодт гьуьлом нен дин бобогьо гьисдигьоре хуно келей мемлекет, сэхьиб вилеет бие мишиборох сохде биёв. Падшогъ эз тэхд офдоригеш, худорешуькуьвр, Керенски — жигей энуре муьхькем гуврди, эдее эле э рэхъ берде.

— Керенский шей шовол зенуне вокурде вирихди эз Урсиег, — гьетте дироморе э нуьмаз келе-келе гуфди Шолум, Гьомуиле шиновусде.

Гьемеeki э нуьмаз дебирогору лос бире э мэхьтелировоз денишируьт э лой эн Шолум. Уре гьеебо шинохдеш нешинохдуьт.

— Шолум, туьни? — пуьрси Гьомуил э хуьше до-мундере хуно. Раби, эз гьэд бире кемер ю сисит офдоре, чумьгоре буьхъ сохде дениши э дуьсдогъ падшогьги бугьо одоми.

Эсеф диренге бирор хуьшдере, омо шори-шори гьэл гуьрд уре, поисд э гььрогъ. Шолум ведироме поисд э пушой жэгъмет. Инжо нуьшдебугьо одомигьоре у эз гъзиревоз шинохде, дауьсдембу, эри энугьо дуьлсухуни сохдембу, эри косиб бирей энугьо фикир, дерд кешир-ребму.

— Бирору, — мугу у руй бире э ки жэгъмет, — ме оморем ишмуре шоре хэбер эри доре. Э Урсиег фэхьлего не ранжбергьо э кумеки буьзуьрге партией коммунистьгьоревоз пиш сохдет Керенскире, гъоширгьоре, вегуьрдет власть э дес ишу. Имугьой сэхьиб вилеет косибго — большевикгьо бири.

— Булшевикгьо! — хьэрэй вегуьрде, ноле зерере хуно гуфди Гьомуил.

— Булшевикгьо — худосуьзго! — десгьоре лов сохде э мэхьтелиревоз гуфди раби.

— Эри, большевикгьо, — гуфди келе-келе Шолум, — э гьеме жигегьо фэхьлего эдете вегуьрде власти э дес ишу, пиш сохде хунхургьоре, вегуьрде эри хэлгъ э дес гъоширгьо деригьо хоригьо, молгьоре. Ленин нуьвьусди гьонун хоригьоре эз дес гъоширгьо эри ведешенде доре косибгьоре.

— Э гьэд эн нуьмаз и чуй гъовуне гофгьои, где? — хьэрэй вегуьрд раби.

— Оворе бош эзинжо, большевик хьэремзеде, — хуни-хуни омо Гьомуил герден ю гьир, кемер ю шефд, э сер Шолум.

— Жигей юре гуфдире Шолум, — ведироморе э пушой жэгъмет э согъ чум хуьшдереваз тиж денишире э Гьомуил гуфди саллат Рэхьмон. — Кеме догъ венорей туь э базуйму, Гьомуил?..

— Текей гьуьлом бедхьисоби мумуну, весси дие! — эз куьнж нуьмаз хьэрэй дешенд Бейгъуш Шелбет, э та-раф Гьомуил.

Бирден э гьэд нуьмаз сес гуьле шенде омо. Гьэд нуьмаз гьеебо дуре пуьр бисдо. Шолум эз душ гуьрде офдо э хори нуьмаз. «Туьрк Эффенди» хэлгъ гьуьл додоре-додоре, ранг ю рафде, зури-зури ведиромо э дер нуьмаз, тапинжере эз дес венгесде, шенд хуьшерде эз сер пило-

конго, видовусд э лой куърпи, э сер рэхь. Эз песой эн у видовусде ведерафд Рэхьмон.

Шолуме яралуь вегуьрдуйт бердуйт э хуне. Яра гу-
рун небу. Гунле расиребу э душ эн Шолум э осгую ло-
ко незере Унегуьре гьетте ярай энуре э герме глововоз
шушуде э мелэхьмевоз бесде, гьовой эн у хуб бисдо,
у сер гуьрд э оморегоргуьревоз эри гоф сохде, Гэ-
ре-бир зарифатиш сохде. Сер шев бисдоки Шолум дегеш-
дебугьо утогь одоми пур бу. Инжо дебу Бейгьуш Шел-
бет, Рэхьмон, нэхирчи дигь Нефтоли ве ченд мердгьо,
жогьилгьойгеш. Э войгей эн у гуш дошде Шолуме овор-
де дегердундебируьт э хуней Рэхьмон.

— «Туьрк Эффенди» вирихд, — мугу Рэхьмон хэн-
де-хэнде э хуне дироморенге, оммо Сосун у э вирихдеки
е гунле венори эпесой кефел эн у.

Гьемеeki хэндусьдуйт. Сер гуьрдуйт эри руьхшенди
зарифатгьо сохде эз товун «туьрк Эффенди».

— Раби Нохьум не Гьомуул гьеле эри у э рушевоз
э нуьмаз неомореи эдембу тенги кешире.

— Э хьисобовоз эз сыр-семуьрсогь веноре э руш
хуьшде муьвэхь эн у чешмиш бири!..

— Сохде ниетгьой эн ковхо не борухой эн раби э гьо-
вои рафд.

— Понт ёбо ме эришму э гьозие гуюм, — мугу Бей-
гьуш Шелбет лове э хэнде вешенде, — лап томошее гьо-
зниен. Имбуруз ме э нуьмаз диренге, чьутам раби Нохьум
«туьрк Эффендире» эз дин мисурмуне э дин жуьгьури
чарунденбуге, и гьозие гене омо э ёрме...

— Хуб, зарифатгьо э гьирогь, — мугу Шолум вэ-
хуьшде нуьшде э сер хьэлов, дендунэгьжи сохде эз
лербей душ ю дорд доре. — Биё имогьой меслэхьэт со-
хим имуре чуй сохде герекиге.

— Ме э туь гуюм Шолум, — мугу Рэхьмон, — дуьл
гьемейму эдеe гьурт-гьурт сохде эз и туь эриму гуфди-
рейгьо гоф. Туь яралуь одомини, имуре ниевоисдембу
туьре инжимиш сохде. Ведерафде э хьээт дириге, жэг-
мет пури, дениширет туь чуй мугуиге. Лезги Хьэсен эз
и пенж верс рэхьэ вэхуьшди омори и хэбер эн и гоф туь
гуфдирейгьо э гуш ю дерафденденге.

— Фикир ярайме нисди, — мугу Шолум, — ярайме
хуб мубу. Ихдилот ижирен: э Урснет фэхьлегьо не ран-
жбергьо вегуьрдет хуькуьмете э дес ишу. Серберэхьи
эни Хуькуьмет — Советская власть хьовир Ленин нуь-

вуйсди Гьонун, хоригьоре эз дес гюширгьо вегуьрдени
э дес косибгьо дорени, заводгьо, бонкгьо ве узге кор-
хонегьойгереш эз дес девлетлугьгьо вегуьрде э дес хэлгь
дерав гуфдире. Тоze власть, партией коммунистгьо гьеме
хэлгьгьоре: жуьгьуре, мисуьрмуре, эрменире, уруссе — гье-
мере э е чум гьурде, гьемере азади, ихидьери дори. Се-
бэхь, бирору, жэгмете кура сохде гереки, ковхо Гьому-
иле эз ковхоети вегуьрде гереки. Иму жэгмет э воисдей-
му гуьре мивихим эриму советская власть эн дигь имуре
эз косибгьо, эри эжиме оворде нуьвусде гьонунгьоре.

Шолум гоф хуьшдере поюндки, гьемеeki э хуне де-
риго одомигьо, теимугьой э келе тигьэтевоz гуш дош-
дембируьтгьо Шолуме, сер гуьрдут э е лэглэ, ду эз еки
келе-келе эри гоф сохде:

— И чуй бэхдевере Хуькуьмети и Советски власть!

— Не падшогь, не ковхо, не гюшир э сер иму огьоеги
нисохут.

— Екиш имуре имогьой серкуш зере, зирпой нисоху.

— Имогьой, бирору, гьуьлом эн имуни косиб-кусуби!

— Эриме э хов шинирере хуно омор, ме исеглэт ши-
новусденумгьо гофгьо!

— Сад сал гьуьмуьр гердо у Ленине. Уре худо мозол
фуьрсори эри косиб-кусуб.

Шолум лов хэнде э шориревоз эдембу денишре э си-
фет эн э дуь екиревоz гоф сохдегеро одомигьо. У эз гьэд
е ён бонилею бугьо книг вегуьрд е сироте. Э сирот вебу
е огьиле мерд, келе бирэхьнее пушонни, бигьлуье, кутэхьэ
рушгьо, дуьлуье чумгьо.

— Ини Ленин, — мугу Шолум сироте э нуьшдегору
бирмунде. Гьемеeki гьуз бире денишируьт э суьрот.

— Дениш чуй келе пушониниге, эдеe эгьуьл рихде?

— Гьинор де одомигеи беге ижире келе коргьоре эри
сохде.

— Ведини, рэхьмедуьли, эри косиб-кусуб дуьл сукун-
денигьои.

Рэхьмон ведешенд сироте эз дес Шолум, мугу:

— Ведеберуьм ебо и сироте бурмунум э жэгмет.

Эз хуне э хьээт ведерафдей эн Рэхьмониш еки не-
бисдо, гье у сэглэт хэлгь дуй эз лэглэй еки э войге, шори
мэхьтелиревоz эдембируьт хэбер доре э еки, лов сохде э
гьемей дигь-жэгмет, глэзизе буьзуьрге нуме, гуфдире ке-
ле-келе

— Ленин!

— Ленин!

— Ленин!

Х. Ашшалунов

СУДЬБА СОСУНА

(На татском языке)

Редактор Г. Мусаханова. Художествен. редактор Е. Омельченко.
Техн. редактор В. Науменко. Корректор А. Семендуев.

Сдано в набор 14/V-1957 г. Подписано в печать 16/VIII-1957 г.
Форм. бум. 84x108 1/32. Бум. л. 1,43. Усл. печ. л. 3,79. Уч.-изд. л. 3,71.
С03879. Тираж 500 экз. Цена 1 р. 15 коп.

Дагестанское книжное издательство Министерства культуры ДАССР.
Махачкала, ул. Маркова, 55 Зак. № 702.

Типография им. С. М. Кирова Министерства культуры ДАССР.
Махачкала, ул. Маркова, 51.